

حزب عدلیہ

دوبئی سنہ ۱۳ ذی القعدہ ۱۳۳۲ ۲۰ ایلول ۱۳۳۰ نمبر ۱۱۶

جمعہ ابرت

قائم مقام

نوبہرات عدلیہ

بیروت ولایتی مرکز قضائی صالح حاکم لکھنہ سوریه ولایتی عدلیہ مفتشی ادیب و وان ولایتی مرکز بدایت محکمہ سی جزا دائرہ سی ریاستہ بتلیس ولایتی عدلیہ مفتشی خلیل ابراہیم و یازید سنجائی بدایت محکمہ سی جزا دائرہ سی ریاستہ لالاباشا قضائی بدایت محکمہ سی حاکم لکھنہ منصف فرید و جدہ سنجائی بدایت محکمہ سی اعضا لگنہ عجولون قضائی بدایت محکمہ سی مدعی عموم سی عزالدین و عجولون قضائی بدایت محکمہ سی مدعی عموم لکھنہ در سعادت حقوق مکتبی علی الاعلی درجہ مآذون نرندن سامی عظم و جسرار کنہ قضائی بدایت محکمہ سی مدعی عموم لکھنہ اسکچہ قضائی بدایت محکمہ سی مدعی عموم لکھنہ آچقندہ قالان ذاکر و چورلی قضائی بدایت محکمہ سی مدعی عموم لکھنہ پائینلر قضائی بدایت محکمہ سی ریاستدن مستغنی علی شفقتی و قسطنطونی ولایتی مرکز بدایت محکمہ سی اعضا لگنہ تحویل استءءاسندہ بولنان کنج سنجائی بدایت محکمہ سی اعضا سندن عصمت و کنج سنجائی بدایت محکمہ سی اعضا لگنہ ویران شهر قضائی بدایت محکمہ سی مدعی عمومی سابق عبداہ و حیفہ قضائی بدایت محکمہ سی مدعی عموم لکھنہ مذکورہ اعضا سندن و در سعادت حقوق مکتبی علی درجہ مآذون نرندن صبحی و ملاطیہ سنجائی بدایت محکمہ سی اعضا لگنہ اورفہ

سنجائی بدایت محکمه سی اعضا شدن آرتین واورفه سنجائی بدایت محکمه سی اعضا لگنه طابنه مبنی چتالجه
سنجائی بدایت محکمه سی اعضا شدن اوخانس وچتالجه سنجائی بدایت محکمه سی اعضا لگنه سلانیک تجارت
محکمه سی ضبط کتابتده خدمتی مسوق و سلانیک حقوق مکتبندن علی الاعلی درجه ده مأذون دانیل
شمس وجبل برکت سنجائی بدایت محکمه سی اعضا ملازملکنه داری دره بدایت محکمه سی اعضا لگندن
آچیکده قالان اسماعیل حق وخراسان قضائی لوا بدایت محکمه سی اعضا ملازملکنه کالبرینه کاظمیه قضائی بدایت
محکمه سی اعضا شدن وبقداد حقوق مکتبی اعلی درجه مأذونلرندن حسن فهمی ونجف اشرف قضائی بدایت
محکمه سی مستطقی اولوب بقداد حقوق مکتبندن علی الاعلی درجه ده مأذون عبدالمجید ویدیورکی
قضائی بدایت محکمه سی مستطقلکنه تحویلی طلب ایدن دیاربکر ولایتی مرکز بدایت محکمه سی ایکنجی
مستطقی محمد رضا وپاسینلر قضائی بدایت محکمه سی مستطقلکنه اوف قضائی بدایت محکمه سی مستطقی
عمر عونی وعلولر قضائی بدایت محکمه سی مستطقلکنه سوریه ولایتی مرکز بدایت محکمه سی اوچنجی
مستطقی سابق نسیب افندیلر نقل وتعیین اولمش وارضروم ولایتی استیناف محکمه سی رئیس صبری افندی
ایله معموره العزیز ولایتی استیناف محکمه سی رئیس شوکت وارضروم ولایتی استیناف اعضا شدن قره بت
افندی ایله طربزون ولایتی استیناف محکمه سی اعضا شدن قره بت بغچه کلیان افندیکن بجایشلری اجرا
قلنمشدر .

بواراده سنیه نك اجراسته عدلیه ناظری مأموردر . ۲۶ شوال ۱۳۳۲ :۱ ایلول ۱۳۳۰

محمد رشاد

عدلیه ناظری صدراعظم

ابراهیم محمد سعید

قوانین و نظامات

سلاح الله آلان مأمورین معاشاتی حقنده قانون موقت

ماده : ۱ وظائف مستقله ویا مشترکه احبابندن اولان بالعموم مأمورین وکتبه دن بالفعل خدمت
عسکریه غیر مقصوریه آلانلر مأموریتلرندن انفکاکلری تاریخندن اعتباراً معزول عد اولنه جقلر و ختام
مدت عسکریه لرنده مأموریت سابقه لرینه معادل اوله رق ایلك آچیله جق مأموریتلره سائلرینه ترجیحاً تعیین
ایدیله جکلردر .

ماده : ۲ بالعموم مأمورین وکتبه دن احتیاط یا مستحفظلقلری ائناده تعلیم ویا مانوره مقصدیله

اولقسزین تحت سلاحه آلانلر وظائف مشترکه احبابندن اولسون اولسون مأذون عد اولنه رق معاشلرینک
اوچ یوز غروشه قدر اولان مقداری تام و اوست طرفی ثلث اوله رق اعطا ایدیله جکلر .

ماده : ۳ احتیاط و مستحفظلقلری ائناده تعلیم ویا مانوره ایچون مدت معینه ایله تحت سلاحه آلانلر
ایله بدل تقدی ویروبده آلتی آی تعلیم ایچون خدمته کیرنلر و بر سنه لك خدمت مقصوره ایله تحت
سلاحه آلانلر مأذون عد ایدیله ر مذکور مدتله عائد معاشلری تام ویریه جکلر .

شو قدرکه یرلرینه وکیل تعیینی لازم کلدیکی حالده معاشلرینک آنجق وکیل ویریه جک مقدارندن
ماعداسی کندیلرینه ویریه جکلر .

ماده : ۴ احتیاط یا مستحفظ صنفنده بولنوبده وقت حضرده بلا دعوة کوکلی اوله رق خدمت
عسکریه داخل اولان مأمورین حقنده برنجی ماده موجبجه معامله اولنور .

سفربرک ائناسنده بو صورته خدمت عسکریه داخل اولانلره ایکنجی ماده موجبجه معاش اعطا
ایدیلور . شوقدرکه بولر قانوناً وظیفه مأموره لر باشنده ترك اولته جق مأموریتندن ایسه لر حقلرنده برنجی
ماده موجبجه معامله اولنور .

ماده : ۵ دوائر رسمیه وبلدیهدن معاش آلان ملکیه طیب و بیطر و اجزاجیلرندن سفربرک
مناسبتیه موقتاً رتبه عسکریه توجیبی ایله جهت عسکریه جه استخدام اولنلرک رتبه عسکریه لری خصصاتی
جهت ملکیه دن مخصص معاشندن فضل ایسه مخصصات عسکریه ویریلوب جهت ملکیه ده کی معاشی ویرلر
واکر رتبه عسکریه سی مخصصاتی جهت ملکیه ده کی معاشندن نقصان ایسه نقصانی جهت ملکیه ده کی معاشندن
اکال اولنور . جهت ملکیه جه موقوف قاله جق معاشات لزومه کوره تعیین اولنه جق وکیللرک مخصصاته
قارشیلق آتخاد اولنه جقدر .

ماده : ۶ ۷ ربیع الاول ۳۲۸ و ۶ مارت ۳۲۶ تاریخی نظامنامه احکامی مفسوخدر .

ماده : ۷ اشبو قانون ۱ ایلول ۳۳۰ تاریخندن اعتباراً مرعی الاجرادر .

ماده : ۸ اشبو قانونک اجرای احکامنه وکلا مأموردر .

مجلس عمومینک اجتماعنده قانونیتی تکلیف اولنق اوزره اشبو لایحه قانونیه نك موقتاً موقع مرعیه
وضعنی و قوانین دولته علاوه سنی اراده ایلدم . ۱۰ شوال ۱۳۳۲ ۲۴ اغستوس ۱۳۳۰

محمد رشاد

داخلیه ناظری	حریه ناظری	شیخ الاسلام و اوقاف هایون ناظری	صدراعظم و خارجیه ناظری
طلعت	انور	خیری	محمد سعید
نافعه ناظری	مالیه ناظری	بحریه ناظری	عدلیه ناظری و شورای دولت رئیس وکیل
محمود	جاوید	احمد جمال	ابراهیم
پسته و تلغراف و تلفون ناظری	معارف ناظری	تجارت و زراعت ناظری	سلیمان البستانی
اوسقان	احمد شکری		

امتیازات اجنبیه نك (قاپیتولاسیون) الغاسی حقنده اراده سنيه

ممالك عثمانیه ده مقیم تبعه اجنبیه حقنده دخی حقوق عمومیه دول احکامی دائره سنده معاملہ اولفق اوزره الیوم جاری مالی واقتصادی وعدلی واداری (قاپیتولاسیون) نامی آلتنده کی بالجله امتیازات اجنبیه نك واونلره متفرع ویا اونلردن متولد بالجله مساعدات و حقوقك فی مابعد رفع والغاسی مجلس وكلا قراریه تنسیب اولمشدر .

اشبو اراده سنيه ۱۸ ايلول ۱۳۳۰ تاریخندن اعتباراً مرعی الاحکام اوله جقدرد .

اشبو اراده سنيه نك اجراسنه هیئت وكلا مأموردرد .

۱۷ شوال ۱۳۳۲ ۲۶ اغستوس ۱۳۳۰

محمد رشاد

داخلیه ناظری	حربیه ناظری	شیخ الاسلام و اوقاف	صدر اعظم و خارجیه ناظری
طاعت	انور	خیری	محمد سعید
تجارت و زراعت ناظری	نافعه ناظری	مالیه ناظری	بحریه ناظری
سلیمان البستانی	محمد	جاوید	احمد جمال
پوسته و تلغراف و تلفون ناظری	معارف ناظری	احمد شکر	اراهیم
اوسقان			

محکمہ تمیز مفرائی

محکمہ تمیز مفروضه دائره مفرائی

محکمہ تمیز مفروضه دائره سنده صادر اولوب ۱۷ مایس سنه ۳۳۰ تاریخنده قراری ویریمده ۴۳۳ نومردی

اعلام صورتیدر .

«شبه تزویردن عاری اولدینی آ کلاشیلان مهرک کیمک طرفندن وضع ایدلدیکی»

«اثبات ایتدیرلک لازمدر»

انقره معارف محاسبه مأمور اسبق سعید افندی زاده کاظم و صندوق امین اسبقی کنتیرلی شکر افندی

ایله انقره معارف اداره سی بیتنده متکون دعوایه دائر انقره مرکز بدایت محکمه سندن ۱ تشرین اول سنه ۳۲۹ تاریخی و اوچوز اون بر عدلیه ویریلوب مزبوراندن کاظم افندی طرفندن تمیزاً تدقیقی استدعا قلنان اعلام باش مدعی عمومیک مأموریت علیه سنک مطالعه نامه سی آلتقدن صکره یالکیز مستدعینک اعتراض لایحه سیله برابر بالمطالعہ تدقیقات تمیزیه اجراسنه ایتدار قلندی .

اعلام مذکورک خلاصه مندرجاتنه نظراً خزینہ جلیله وکیلی محکمہ مذکوریه پانعرضحال مراجعتله مومی الیه سعید افندیک حال حیاتنده انقره معارف مدیریتی وکالتنده وشکری افندیک صندوق امانتنده بولسدقلری صروده ذمتلرینه کچوردکلری ایکی قطعه تحویل بدلاری اولان درت بیک درتیوز غروشیک مع فائض ترکه متوفایه اضافتله مومی الیه مادن کاظم افندیکن وراثت وشکری افندیکن اصالة تحصیلنی طلب ودعوی ومدعی علیهمادن شکری افندی کندیشنه تودیع اولنان مذکور تحویلاری برقطعه مقبوض علم وخبری مقابلنده متوفای مومی الیه سعید افندییه تسلیم ایتدیکنی افاده وادعا وبرقطعه مقبوض ابراز واعطا وکاظم افندی دخی سعید افندیکن مهری برمدت شکری افندی نزدنده بولندیغی ومذکور تحویلار شکری افندی طرفندن برصرافه ترهین اولفق صورتیه استهلاک ایدلدیکی یولسده سرد مدعی ایلمی اوزرینه محکمه جه مبرز علم وخبره موضوع مهر متوفای مومی الیه عائد اولدینی ومدعی به تحویلاتک صراف واسطه سیله فروخت ایدلدیکی آ کلاشلمش ایسده احوال مذکور مومی الیه سعید وشکری افندیلری ذمت مذکورده دن وارسته قیله مایه جفی جهتله بونلرک یکدیگرکندن برکونه حقلری وارسته استفاده مختار اولق اوزره مذکور تحویلارک بدلی اولان مدعا به درتیمک درتیوز غروشیک تحویلارک تاریخ تسلیمی اولان ۲۹ حزیران سنه ۳۱۵ دن بالاعتبار حین ادایه دکن رأس المالی تجاوز ایتمه مک ویکدیگرینه کفیل بالمال اولق اوزره مع فائض مدعی علیهمادن شکری افندی ایله ترکه متوفایه اضافتله سعید افندی مخدومی مومی الیه کاظم افندیکن بحسب الوراثه تحصیلیه معارف اداره سنه اعطاسنه حکم وقرار ویرلدیکی آ کلاشلمشدر .

مستدعی تمیز طرفندن ویریلان لایحه ده مباحوث عنه مقبوض علم وخبرنده موضوع مهرک پدرینک مهری اولدینی تحقق ایتش ایسده مهر پدری سعید افندی طرفندن وضع ایدیلوب ایدلدیکی تحقیق ایدلمک لازم کلورکن ایدلمه سی یولسز و مخالف قانون اولدیغندن واسباب سائردهن بحثله اعلامک تقضی طلب واستدعا اولمش وسالف البیان مطالعه نامه مفادی ده طرفینک ادعا ومدافعاتنه نظراً تحویلات مذکورده نك طرفیندن کیمک مباشرتیه استهلاک ایدلدیکی حقنده تدقیقات اجرا اولقمسزین برمنوال محرر قرار ویرلسندن طولانی اعلام مذکورک مستدعی کاظم افندییه عائد فقره حکمیه سنک تقضی لازم کله جکی ولایحه ده مندرج اعتراضات بوضورتله وارد ایدوکی بیانندن عبارت بولمشدر .

ایجابی مذاکره اولندقدده خصوص مدعی هر نه قدر برمنوال محرر حکم واعلامه ربط اولمش ایسده ده مذکور تحویلارک سعید افندییه اعاده وتسلیمی ناطق صندوق امینی شکری افندی مهریله مختوماً ابراز

اولئان مقبوض سندینه موضوع مهرک بر مدت شکری افندی نزدنده بواندینی و مذکور تحویلر شکری افندی طرفندن بر صرافه رهن ایدلک صورتیه استهلاک اولندی سغید افندیکن وارثی طرفندن ادعا قلمسنه نظرآ بومهرک شبهه تزویردن سالم اولمادیکی اکلشایدینی جهته مقبوض سندینه کی مهر مذکورک سعید افندی طرفندن وضع ایدلکی اثبات ایتدیرلک لازم کلدیکی حالده بوندن ذهول اولنسی و تاریخ تودیعندن اعتباراً فائض یوریدلسنی تأمین ایچون اولباده مقاله مخصوصه و یاخود پروتستو بولنقی لوازم قانونیه دن اولوب بوکا دائر برکونه مقاله وسائر موجود اولمادیکی جهته آنحق استدعا تاریخندن اعتباراً فائض حکم اولنقی مقتضی بولنش ایکن بوجهتک دخی نظر دقه آتنامسی مخالف قانون اولدیغندن اصول محاکمه حقوقیه قانوننک ایکویز اوتوز ایکنجی و ایکویز قرق برنجی ماده لری موجبجه اعلام مذکورک تقضیه قانون من بورک ایکویز قرق دردنجی ماده سی حکمنه توفیقاً کیفیتک وجه مشروح دائره سنده تکرار بالرؤیه اعلامه ربطی ضمننده محکمه مذکوره یه اعاده سنه و مصارف تمیزیه نک ایلروده حقسنر چیه حق طرفه عائد اولسنه ۱۷ مایس سنه ۳۳۰ تاریخنده اکثریتله قرار ویرلدی .

محکمہ تمیز حقوقه دائره سنده صادر اولوب ۲۲ تموز سنه ۳۳۰ تاریخنده قرار ویریلده ۱۱۳۰ نومرولی اعلام صورتیبر :

« مدعیه نک تجاوز ادعاسی صور قانونیه دائره سنده اثبات ایدیلرک تبیین ایدمک »

« حاله کوره حکم اولنقی لازم کلیر »

نفس بغدادک قریه باشی محله سنده مقیم تجارندن لطفاه بن نصره عبود ایله یدی بکره محله سنده ساکنه سرپوهی کسیر خالده بنت یوسف بیننده متحت دعوایه دائر بغداد استیناف محکمه سندن ۲۴ شباط سنه ۳۲۹ تاریخی و اوتوز سکز عددی ایله ویریلوب مومی الیه لطفاه افندی طرفندن تمیزاً تدقیقی استدعا قلنان اعلام طرفینک اعتراض و جواب لایحه لریله بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه نظرآ من بوره سرپوهینک عهده تصرفنده بولنان شط کنارنده واقع معلوم الحدود بر باب خانه سنک مستقل دیواری اوزرینه مومی الیه لطفاه افندیکن خانه انشا و کندی ملکنه ادخال ایتک صورتیه وقوعبولان تجاوزینک منعی حقنده اقامه ایدلکی دعوانک سبق ایدن محاکمه و تدقیقات غیایه سی نتیجه سنده مدعیه نک مذکور خانه سیله مدعی علیک انشا ایتکده اولدینی خانه اره سنده اولان وطولاً اون متروندن عبارت بولنان دیوار مستقلاً من بوره سرپوهینک اولدینی خانه نک ده اول انشا ایدلسندن و حین انشاسنده مدعی علیک اینیه سی بولنامسندن و موجود علائم سائر دن اکلشلمش اولدینی کشف راپوری مندرجاتیه متحقق ایدوکنه بناء محل منازع فیه مدعی علیک واقع اولان مداخله سنک

منعیه حال سابقه ارجاعنه دائر اولای غیایاً و مؤخرآ مومی الیه لطفاه افندی طرفندن وقوعبولان اعتراض اوزرینه یوم معینه کلامسنه منی اولباده کی اعتراض استدعاسنک ردی یولنده و جاهاً اعطا قلنان اعلام علیهنده مومی الیه لطفاه افندی طرفندن استیناف دعوی اولنسی جهته انک ده علی طریق الاعتراض جریان ایدن محاکمه و تدقیقاتی نتیجه سنده مستأنف مومی الیهک اعطا ایدلکی لایحه اعتراضیه ده موضوع بحث اولان خصوصات بدایه و مقدمات جریان ایدن محاکمه و جاهاً استینافیه ده حل ایدلش اولغله تکرار موضوع بحث اولامیه جنی و مذکور خانه ده مومی الیهک شریکی اولدینی درمیان ایدیلان فتحاه بن نصره الیهک محاکمه ده حضوری لازم کله چکی حقنده کی ادعایه کلنجه مستأنف و کیلی کیروب افندیکن مومی الیه نصره افندی طرفندن برکونا وکالتی بولندیغندن انک حقنده افاده یه صلاحیتی اولدینی و حکم اعلام مرقومک منافعه طوقوندینی تقدیرده اعتراض الغیر صورتیه اقامه دعوا ده مختار بولندیغنی درکار اولدیغندن اولباده کی اعتراضک دخی ردیه اصول محاکمه حقوقیه قانوننک یوزاللی سکرنجی ماده سی موجبجه اعلام معترض بهک تصدیقه حکم و قرار ویرلکی اکلشلمشدر .

مستدعی تمیزک اعطا ایدلکی لایحه اعتراضیه ده طرفین خانه لریکن زمینی مقدما بغچه اولوب اره لرنده حد فاصل اوله رق انشا اوله حق دیواره کیف مایشاء تصرف ایدلسی صاحب اول و کندولریکن بالعلری طرفندن اولباده تنظیم و اعطا اولنان تعهدنامه نک حکمی اقتصاصندن و بوايسه میعک جمله حقوق ملکیت و تصرفیه سندن اولدینی جهته مشتریله سرایتی درکار اولدینی حالده محکمه مذکوره جه بورالری تأمل اولنامسی یولسنر و مغایر قانون اولدیغندن بحاله اعلام مذکورک نقضی و جواب لایحه سنده ده غیر وارد اولان اعتراضاتک ردیه موافق اصول و قانون اولان اعلامک تصدیقی طلب واستدعا اولنشددر .

ایجابی مذاکره اولدقده هر نه قدر محکمه جه کیفیت بروجه محرر تحت حکمه النش ایسه ده مدعیه نک تجاوز ادعاسی صور قانونیه دائره سنده کندوسنه اثبات ایتدیریلرک تبیین ایدمک حاله کوره حکم اولنقی لازم کلور ایکن بوندن بالذهل مجرد کشف راپورینه بنای حکم ایدلسی یولسنر و مغایر قانون اولدیغندن اصول محاکمه حقوقیه قانوننک ایکویز قرق برنجی ماده سی موجبجه اعلام مذکورک تقضیه قانون من بورک ایکویز قرق دردنجی ماده سی حکمنه توفیقاً کیفیتک تکرار بالرؤیه اعلامه ربطی ضمننده محکمه مذکوره یه اعاده سنه و مصارف تمیزیه نک ایلروده حقسنر چیه حق طرفه عائد اولسنه ۲۲ تموز سنه ۳۳۰ تاریخنده متفقاً قرار ویرلدی .

محکمه تمیز حقوقيه دائره مندره صادر اولوب ٢٦ مارش سنه ٣٣٠ تاريخنده قراری و بربره اعلام صورته:

« مأمورینک انضمام رأیله اولیان تقسیم معتبر دکادر »

قدره قضاسنه تابع شیخلر ناحیه سنک قردانی قریه سنده ساکن موصلی اوغلی یعقوب ایله موصلی اوغلی کریمه سی جمیله خاتون بینده متحدث دعوايه دائر ایزمیت سنجاغی بدایت محکمه سندن ٢٧ شباط سنه ٣٢٩ تاریخی و طقسان بر عددی ایله استینافاً ویریلوب مزبور یعقوب طرفندن تمیزاً تدقیقی استدعا قلان اعلام یالکز مستدعینک اعتراض لایحه سیله بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مزبوره جمیله خاتون قدره قضاسی بدایت محکمه سنه باعریحال مراجعتله با طایو عهده تصرفده بولسان قریه مذکوره کائن معلوم الحدود ایکی دویم مقداری ترلاسنه مرقوم یعقوب طرفندن فضولاً وقوعبولان مداخله نك منعی حقنده اقامه ایلدیکی دعوانك سبق ایدن محاکمه و کشف و تدقیقاتی نتیجه سننده مدعی پدرلری متوای مزبور دن منتقل اموال متروکه مقدما بالرضا تفریق و تقسیم ایدلمش و منازع فیه مذکور ترلا بومیانده داخل بولنش اولدیغنی بیان ایدن مدعی علیه یعقوبك ابراز ایتدیکی سند خاقانینک محل مذکوره جهت تعلقی اولیوب انحق قریه مذکوره جوارنده یارم دونمک بر خرمن محله عائد ایدوکی کشف راپوری مندرجاتی و محل مذکورک طرفین موئی الیه مانک پدرلرندن ارثاً و انتقالاً مدت مذکوره دنبری مدعی مزبورنك عهده تصرفده اولدیغنی اولابده اقامه واستاع اولتان شهود معدله نك شهادت لرلیه ثابت اولسنه بناءً بجله نك بیک التیوز التمش ایکنجی و اراضی قانوننک یتمش سکنجی ماده لری احکامنه توفیقاً مدعی به ترلايه مدعلیه ک مداخله سنک منعیه مدعی مزبورنك عهده سنده ابقاسنه دائر بدایت صادر اولان اعلامک عندالاستیناف تصدیقه قرار ویرلیدیکی ا کلاشلمشدر . مستدعی تمیزک اعطا ایلدیکی لایحه اعتراضیه کندوسی مدعی مزبوره ایله لابوین قراندش اولدقلری جهتله پدرلرندن موروث اولان مدعابه اراضینک نصف حصه سی کندوسنه انتقال ایده چکی امر بدیی اولوب هنوز مأموری حضوریه کرک رضاء و کرکسه قضاء افراز و تقسیم اولندیغنی حالده محکمه مذکوره جه بورالری تأمل اولنقسزین بروجه محرر حکم اولنسی یولسز و مغایر قانون اولدیغندن بجله اعلام مذکورک تقضی طاب واستدعا اولنمشدر .

ایجابی مذاکره اولندقد هرنه قدر محکمه جه کیفیت بالاده بیان اولندیغنی اوزره تحت حکمه التمش ایسه ده منازع فیه اراضینک پدرلرندن انتقال ایتمش اولدیغنی عندالحاکمه مدعی علیه سویلکده اولسنه نظراً محکمه جه اول امرده بوجهت حقنده کی دفترخانه قیدی طایو مأمورلغندن استعلام ایدیلرک متوفان اصحاب انتقاله نه مقدار اراضی انتقال ایتمش اولدیغنی آ کلاشلقدن و مقدمکی امر تقسیمک مأمورینک انضمام رأیله اجرا قلنماش اولدیغنی تحققی ایتدیکی صورته مذکور تقسیمک حکمی اوله میه جنی جهتله طرفین یکیدن تقسیم طلب ایتدکری حالده اراضی قانوننامه سنک اون بشنجی ماده سنده محرر اولدیغنی اوزره مأمورینک انضمام

اذنیله امر تقسیمک اجرایی و اصحاب انتقالدن هر برینه عائد اولان حصه نك اعطاسی لازم کلور ایدن بویولده معامله اجرا ایدلماش یولسز و مغایر قانون اولدیغندن اصول محاکمه حقویه قانوننک ایکیوز اوتوز ایکنجی و ایکیوز قرق برنجی ماده لری احکامنه توفیقاً اعلام مذکورک نقضیه قانون مزبورک ایکیوز قرق و ایکیوز قرق دردنجی ماده سی موجبجه کیفیت بالرؤیه اعلامه ربطی ضمننده محکمه مذکوره به اعاده سنه وزیرده مفردات و معطیس کوستریلان مصارفک ایلروده حقسز چیه حق طرفه عائد اولسنه ٢٦ تموز سنه ٣٣٠ تاریخنده متفقاً قرار ویرلدی .

محکمه تمیز جزا دائره سی قراری

محکمه تمیز جزا دائره مندره صادر اولوب ١٩ اغستوس سنه ٣٣٠ تاریخلی ٢٤٨٢ نومردلی اعلام صورته:

« اسباب مخفئه تقدیره »

قسطنطونی ولایتی استیناف محکمه سی جزا دائره سنندن صادر اولان ١٧ رجب سنه ٣٣٢ و ٢٩ مایس سنه ٣٣٠ تاریخی و یکریمی سکر نومردلی اعلام ایله اوراق متفرعه سی باش مدعی عمومیلک مأموریت علیه سنک ١٣ شعبان سنه ٣٣٢ و ٢٤ اغستوس سنه ٣٣٢ تاریخی و ایکیک اون نومردلی تبلیغنامه ایله محکمه تمیز جزا دائره سنه اعطا قلنمشدر .

اعلام مذکورک خلاصه مالی اوچیوز یکریمی طقوز سنه سی قانون ثانیسنک یکریمی التنجی کونی طاشکوپری قضاسنک ییلانلر قریه سنندن حاجی اوغلی اسماعیلی بچاقله جرح و قتل ایلدیکی ادعا قلنسندن طولانی جانیله اتهام اولتان مرقومک قان براردی قریه مذکورلی باطونلی اوغلی مصطفی به حسرنک جنحه مظنون ایله معاً اجرا قلان محاکمه لری نتیجه سننده متهم مرقومک من غیر تعمد قتل مذکوره جزائی شهادت واقعه و دلائل سائر ایله ثابت اولدیغندن مجرمیتته و حرکت توافق ایدن قانون جزانک یوز یتمش دردنجی و اسباب مخفئه تقدیره نك موجودیتنه مبنی قرق یدنجی ماده لرینه توفیقاً مستحق اولدیغنی اون بش سنه کورک جزاسنک اون سنه مدته قلعه بندلکه تحویلنه و جنحه مظنون ابراهیمک بر هفتقه مدته حبسنه ٣ نیسان سنه ٣٣٠ تاریخنده حکم اولدیغندن عبارتدر .

اوراق دعوانک مطالعه سنندنسکره حکم جنایدن طولانی تدقیقات تمیزیه اجرا اولندقد متهم مرقومک مستحق اولدیغنی جزانک تنزیلی مستلزم کوریلان اسباب مخفئه تقدیره نك مجرمیت قرارنده دخی موضوع بحث ایدیلرک اکا کوره قرار اتخادی لازم کلورکن یالکز تمیز جزا صره سننده بسط واتیات ایدلمسی مخالف قانون و بوجهتی متضمن اولان تبلیغنامه محتویاتی وارد و بجا کورلمش اولدیغندن اصول محاکمات

جزائیه قانونك اوچوزاون دردنجی مادهسی حکمه توفیقاً حکم مذکورک تقضیه احکام قانونیه دأثره سنده ایفای معامله اولنق اوزره اوراقتك محله اعاده سنه وایکوز غروش اعلام خرچنك ایلروده حقسز چقه جق طرفدن تحصیلنه ۵ تموز سنه ۳۳۰ تاریخده متفقاً قرار ویرلدی.

حکمه تمیز جزا دأثره سنده صادر اولاره ۲۸ اغستوس سنه ۳۳۰ تاریخ و ۲۲۶۰ نومرولی اعلام صوریه:

« متهمك سرقت ایدیه جکی اشیای آلوب خانه خارجه چقارمقسزین دردست ایدیلره رك »
 « سرقت جرمك افعال اجرائیه سنی اكمال ایدیه مامش اولسنه نظراً فعل سرقتك »
 « متثبت تامی اولق اوزره تجرم ایدلسی موجب نقضدر »

سلیمانیه سنجانی بدایت محکمه سی جزا دأثره سندن صادر اولان ۲۳ جمادی الاخره ۳۳۲ و ۶ مایس ۳۳۰ تاریخ و یتیمش التی نومرولی اعلام ایله متفرعاتی باش مدعی عمومیک مأموریت علیه سنك ۲۱ رمضان ۳۳۲ و ۳۱ تموز ۳۳۰ تاریخ و ایکی بیک بشیوز الی بش نومرولی تبلیغنامه سیله محکمه تمیز جزا دأثره سنه اعطا قلمشدر.

اعلام مذکورک خلاصه مألئ: درکزین محله سندن ابراهیم بن اسماعیلک خانه سندن اشیای سرقتنه تصدی ایدیلکی ادعاسیله جنایتله اتهام اولنان کوثره محله سندن مجید بن قادر مولودك اجرا قلنان محاکمه علیه سی نتیجه سنده متهم مرقومك مدعی ابراهیمك خانه سی قاپوسی آچق و اوطنه قپوسی کلیدینی قیرمق صورتیه اشیاسنی سرقتنه تثبیت ایدوب اسباب مانعه حیولیته موقع فعله چقارمه مدینی شهادات واقعه و دلائل و امارات سائر ایله ثابت اولدیغندن مجرمیتنه و حرکته توافق ایدن قانون جزانك ایکی یوز یکرمنجی و قرق التنجی ماده لهنه توفیقاً و تنزیلاً بریق سنه مدته کورکه قونلنه ۲۶ نیسان ۳۳۰ تاریخده حکم اولدیغنی محتویدر.

تبلیغنامه مفادی دخی دعوانك صورت جریان محاکمه سیله قانونه تطبیق حقنده اعتراضه محل کوریه مدیکی بیانیله اعلام مذکورک تصدیق طلبنی متضمندو.

اوراق دعوانك مطالعه سندن صوکره تدقیقات تمیزیه اجرا اولندقدده مندرجات اعلامدن مستبان اولدی اوزره متهمك سرقت ایدیه جکی اشیای آلوب خانه خارجه چقارمقسزین دردست ایدیلره رك سرقت جرمك افعال اجرائیه سنی اكمال ایدیه مامش اولسنه نظراً فعل سرقتك تثبیت تامی اولق اوزره تجرم و جزاسنك اولوجهله تحدید اولمسی مغایر قانون و مستلزم نقض اولدیغندن اصول محاکمات جزائیه قانونك اوچوز اون دردنجی ماده سنه توفیقاً اعلام مذکورک تقضیه اوراقتك محله اعاده سنه وایکی یوز غروش اعلام خرچنك ایلریده حقسز چقه جق طرفدن تحصیلنه ۱۷ اغستوس ۳۳۰ تاریخده متفقاً قرار ویرلدی.

حکمه تمیز جزا دأثره سنده صادر اولاره ۳۰ اغستوس سنه ۳۳۰ تاریخ و ۲۶۶۷ نومرولی اعلام صوریه:

« فعل قتلک فاعل مستقلى بر طاقم اسباب و دلائل ایله تعیین اولنق ممکن ایکن »
 « بو جهت مهمه نك تدقیق و تعمیقندن ذهول ایدلسی موجب نقضدر »

سینوب سنجانی بدایت محکمه سی جزا دأثره سندن صادر اولان ۷ رجب سنه ۳۳۲ و ۱۸ مایس سنه ۳۳۰ تاریخ و بش یوز التمش طقوز نومرولی اعلام ایله متفرعاتی باش مدعی عمومیک مأموریت علیه سنك ۷ شوال سنه ۱۳۳۲ و ۱۶ اغستوس سنه ۳۳۰ تاریخ و ایکی بیک بشیوز سکسان درت نومرولی تبلیغنامه سیله محکمه تمیز جزا دأثره سنه اعطا قلمشدر.

اعلام مذکورک خلاصه مألئ: اوچوز یکرمنی درت سنه سی تشرین اولی ظرفنده بوی ابادك انجیر قریه سندن حاجی ابراهیم اوغلی اسماعیلک کیفیت قتلندن دولای جنایتله اتهام اولنان اشخاصدن حسین اوغلی حسینك محکومیتنه دأثره مقدما ویریلن اعلام عندالتمیز نقض اولنهرق اعاده قلمسی اوزرینه اخیراً جریان ایدن محاکمه علیه نتیجه سنده متهم مرقومله اولجه برائته قرار ویرلش اولان جمعه محمد ایله معاً و فاعل مستقلى تعیین ایدیه جک صورتده مشترکاً فعل قتل مذکورده جرأت شهادات واقعه و دلائل و امارات سائر ایله ثابت اولدیغندن اولوجهله مجرمیتنه و حرکته توافق ایدن قانون جزانك یوز یتیمش دردنجی و یوز سکسانجی ماده لرینه توفیقاً و تنزیلاً طقوز سنه مدته کورکه قونلنه ۶ کانون ثانی سنه ۱۳۲۹ تاریخده حکم اولدیغنی محتویدر. تبلیغنامه مفادی دخی دعوانك صورت جریان محاکمه سیله قانون تطبیق حقنده اعتراضه محل کوریه مدیکندن بحثله اعلامك تصدیق طلبنی متضمندر.

اوراق دعوانك مطالعه سندن صوکره تدقیقات تمیزیه اجرا اولندقدده قرار مجرمینده مقتولک هانکی جرحه و آلتک تأثیریه وفات ایتدیکنك تحت مجبهریتده قالدیغندن بحث اولنیورسده طبیب راپورنده مقتولک فحذنده بولنان جرحه نك ایکی یوزلی برآلت جارحه ایله حصوله ککش و باشنده کی جرحه نك بعدالقتل ایقاع ایدیلش اولدیغنی مصرح اولسنه و شهود دعوان صیانتش اوغلی علی مقتولک فحذینه اوران متهم حسین اولدیغنی قطعاً رؤیته مستنداً تعیین و بیان ایتش اولسنه و دیگر شاهد فاطمه دخی متهم حسینك مقتولک باشنه و برأت ایتش اولان جمعه نام دیگر محمدكده مقتولک فحذینه بیچاق صاپلا دققرنی و مع هذا متهم حسینك حامل اولدیغنی الت جارحه نك ایکی یوزلی قما اولدیغنی افاده ایلش اولمیرینه نظراً بوبابده تدقیقات عمیقه اجرا سیله فعل قتلک فاعل مستقلى تعیین اولنق ممکن ایکن بوجهت مهمه نك تدقیق و تعمیقندن ذهول ایدیلش اولمسی مغایر قانون و مستلزم نقض اولدیغندن اصول محاکمات جزائیه قانونك اوچوز اون دردنجی ماده سنه توفیقاً اعلام اخیر مذکورک دخی تقضیه اوراقتك محله اعاده سنه وایکی یوز غروش اعلام خرچنك ایلریده حقسز چقه جق طرفدن تحصیلنه ۱۸ اغستوس سنه ۳۳۰ تاریخده اکثریتله قرار ویرلدی.

محکمہ تمیز جزا دائرہ سندن صادر اولاد ۳۰ اگستوس سنہ ۳۳۰ تاریخ ۲۶۷۱ نومرولی اعلام صورتیبر:

« متهمك جنت موقته به مبتلا اولديني طيب راپورنده بيان اولمسنه نظراً مرقومك »

« حين ايقاع جرمده دخي حال جنتده اولوب اولديني اصولي دائره سنده »

« تدقيقات فنيه اجرا ايتديريله رك تحقيق اولنق مقتضيدر »

حما سنجاني بدايت محكمه سي جزا دائره سندن صادر اولان ۲۶ جمادی الاول سنه ۳۳۲ و ۸ مایس سنه ۳۳۰ تاریخ ۱۹ نومرولی اعلام ایله متفرعاتی باش مدعی عمومیلک مأموریت علیه سنک ۵ شوال سنه ۳۳۲ و ۱۴ اگستوس سنه ۳۳۰ تاریخ ۱۹ بیک بش یوز طقسان اوچ نومرولی تبلیغنامه سیله محکمہ تمیز جزا دائره سنه اعطا قلمشدر .

اعلام مذکورک خلاصه مالی : اوچ یوز یکر می سکر سنه سی تشرین اولی ظرفنده حمانک باب القبله محله سندن احمد بن قاسمک خانه سی قاپوسی و صندوق کلیدی قیره رق اشیاسی سرقت ایلدیکی ادعا قلمسندن دولای جنایتله اتهام اولان جماعه محله سندن انیس الدباعک محکومیتله دائر مقدما صادر اولان اعلامک عندالتمیز اسباب قانونیه به منی نقض ایله اعاده قلمسی اوزرینه اخیراً اجرا قلمان محاکمه علیه سی نتیجه سنده متهم مرقومک بوجه ادعا فعل سرقت جرائی شهادات واقعه و دلائل و امارات سائر ایله ثابت اولدیغندن مجرمیتله و حرکت توافقی ایدن قانون جزانک ایکی یوز یکر منجی و مکرر لکی حسیله سکر منجی ماده لرینه توفیقاً مستحق اولدینی اوچ سنه کورک جزا سنه برملنک ضمیمه آتی سنه مدتله کورک قولسنه ۱۹ نیشان سنه ۳۳۰ تاریخنده حکم اولدینی محتویدر . تبلیغنامه مفادی دخی اعلام سابق متهم مرقومک حین ايقاع جرمده حال جتده اولوب اولدینی خصوصنک تدقیق ایدیله مسندن دولای نقض ایدیش و بعدالنقض جلب اولان طیب علی کمال افندی فنا جنتک وقت حصول و درجه سی تعیین ایده بیلیمک ایچون مجنونک تحت مشاهدیه الهرق متعدد دفعه لر معاینه ایلمک لازم کلدیکی بیان ایلمش اولسنه منی فک اراده ایلدیکی طرز مشروح دائره سنده ایفای معامله دن ذهول اولمسی مغایر قانون اولدیغندن بختله اعلام اخیرک دخی نقضی طلبنی متضمندر .

اوراق دعوانک مطالعه سندن صوکره تدقیقات تمیزیه اجرا اولندقدده متهمک جنت موقته به مبتلا اولدینی طیب راپورنده بیان اولمسنه نظراً مرقومک حین ايقاع جرمده دخی حال جتده اولوب اولدینی اصولی دائره سنده تدقیقات فنيه اجرا ايتديريله رك تحقيق اولنق مقتضى ايكن بو لازمه قانونيه دن ذهول ايديلسي مغاير قانون و مستلزم نقض بولنش اوله جفدن اصول محاکات جزایه قانونک اوچ یوز اون دردنجی ماده سنه توفیقاً اعلام اخیر مذکورک دخی نقضیه اوراقنک محله اعاده سنه وایکی یوز غروش اعلام خرجنک ایلروده حقسنر حقیقه جق طرفدن تحصیلنه ۱۸ اگستوس سنه ۳۳۰ تاریخنده متفقاً قرار ویرلدی .

محکمہ تمیز جزا دائره سندن صادر اولاد ۳۱ اگستوس سنه ۳۳۰ تاریخ ۲۶۹۵ نومرولی اعلام صورتیبر:

« اشخاص متعدده نك جرحی و برينك قتلی كبی تشديد جزای مستلزم اسبابك »

« موجوديته رغماً تخفيف جزا جهته كيدلسي موجب نقضدر »

جبل برکت سنجانی بدايت محكمه سي جزا دائره سندن صادر اولان ۱۱ جمادی الاول ۳۳۲ و ۲۴ مارت ۳۳۰ تاریخ ۱۹ نومرولی اعلام ایله اوراق متفرعاتی باش مدعی عمومیلک مأموریت علیه سندن ۲۵ شعبان ۳۳۲ و ۶ تموز ۳۳۰ تاریخ ۱۹ بیک ایکی یوز قرق دوت نومرولی تبلیغنامه ایله محکمہ تمیز جزا دائره سنه اعطا قلمشدر .

اعلام مذکورک خلاصه مالی اوچ یوز یکر می سکر سنه سی اگستوس ظرفنده درتیول قضاسنک مصطفی محله سندن حاجی مصطفی مخدومی محمدی قتل و برادری مقصود و خضر اوغلی خضر و کوجکه احمد مخدومی حسینی قتل قصیدیه جرح ایلدیکی ادعا قلمسندن طولای جنایتله اتهام اولان قریه مذکورده دن کوجکه اوغلی حاجی حسین مخدومی احمد و محمد مخدومی جبار محمد و اوچی اوغلی طورمش و فراری قدیمان حاجی علی اوغلی دده و برادری اوچی محمد وایش اوغلی ابراهیم و جریق ابراهیم راسا اوغلی حاجی علی و کوشان اوغلی حاجی حسینک و جاهاً و غیاباً اجرا قلمان محاکمه لر نتیجه سنده مرقوموندن حاجی علی و حاجی حسین و طورمش و احمدک مشترکاً و من غیر تعمد قتل مذکورده مقصود و خضر و حسینی ده قتل قصیدیه جرحه جرائی شهادات واقعه و دلائل سائر ایله ثابت اولدیغندن مجرمیتله و حرکت لرینه توافقی ایدن قانون جزانک یوز یتیم دردنجی یوز سکسانجی و اسباب مخففه قانونیه نك موجودیتی جهتیله قرق یدنجی ماده لری احکامنه توفیقاً و تنزیلاً تعیین اولان بشی سنه کورک جزا سنک قلمه بندلکه تحویلنه و دیگر مهملرک برائت لرینه حکم اولدیغندن عبارتدر .

اوراق دعوانک مطالعه سندن صکره حکم و جاهیدن طولای تدقیقات تمیزیه اجرا اولندقدده تبلیغنامه ده دخی بیان اولدینی اوزره اشخاص متعدده نك جرحی و برينك قتلی كبی تشديد جزای مستلزم اسبابك موجوديته رغماً قانون جزانك قرق یدنجی ماده سنه توفیقاً مجازات محکوم نك تخفیفی مقتضی اسبابك وجودندن بحث ایله تخفیف جزا جهته كيدلسي و اسباب مخففه مذکورده نلردن عبارت اولدیغندده تصریحندن ذهول ایدلسی مخالف قانون اولدیغندن اصول محاکات جزایه قانونک اوچ یوز اون دردنجی ماده سی حکمنه توفیقاً اعلام مذکورک نقضیه احکام قانونیه ایفای معامله اولنق اوزره اوراقنک محله اعاده سنه وایکی یوز غروش اعلام خرجنک ایلروده حقسنر حقیقه جق طرفدن تحصیلنه ۲۰ تموز ۳۳۰ تاریخنده متفقاً قرار ویرلدی .

محکمہ تمیز جزا دائرہ سدر صادر اولادہ ۳۱ اگستوس سنہ ۳۳۰ تاریخ ۲۷۰۰ نومروی اعلام صور تیزر:

« مدعینک صورت ایقاع فعلندہ کوریلوب اسباب مخففہ تقدیریدن عد اولنان »

« احوالک مجرمیت قرارندہ تصریحی لازمکیر »

آلا شهر لوا بدایت محکمہ سی جزا دائرہ سندن اخیراً صادر اولان ۶ رجب سنہ ۳۳۲ و ۱۸ مایس سنہ ۳۳۰ تاریخ ۱ و قرق نومروی اعلام ایله متفرعاتی باش مدعی عمومیک مأموریت علیہ سنک ۱۵ رمضان سنہ ۳۳۲ ۲۶ تموز سنہ ۳۳۰ تاریخ ۱ وایکی بیگ درت یوز اوتوز طقوز نومروی تبلیغنامہ سیلہ محکمہ تمیز جزا دائرہ سنہ اعطا قلمشدر.

اعلام مذکورک خلاصہ مالی: کوردوسک افندیلی قریہ سندن احمد زوجہ سی کلثوم ایله حاجی حسین اوغلی عباسی قتل ایلدیکی کبی ادا فلنم سندن دولای جانیله اتهام اولنان قریہ مذکورہ دن مقتولہ مزبورہ نک زوجی مرقوم کوچک احمدک محکومیتہ دائر مقدما ویریلان اعلام عندالتمیز بعض اسباب قانونیہ دن ناشی نقض ایله اعادہ قلمسی اوزرینہ بوکرہ جریان ایدن محاکمہ نتیجہ سندن متهم مرقومک متهوراً ہرایی قتل فعلی ایقاع ایلدیکی شہودک مع القسم واقع اولان شہاداتی وضبط ورقہ سی وطیب راپوری مندرجاتی ودلائل سائرہ ایله ثابت اولدیغندن اولوجهلہ مجرمیتہ وحرکتہ توافق ایدن قانون جزانک یوزیمش دردنجی وفعلندہ کوریلان اسباب مخففہ تقدیریدہ بناء قرق برنجی مادہ لری احکامہ توفیقاً مستحق اولدینی مؤبد کورک جزاسنک یدی سنہ مدتہ کورکہ تحویلہ حکم اولندیغندن عبارتدر.

بالجملہ اوراق دعوانک قرائت ومطالعہ سندن صوکرہ تدقیقات تمیزہ اجرا اولندقدہ مدعینک صورت ایقاع فعلندہ کوریلوب اسباب مخففہ تقدیریدن عد اولنان احوالک مجرمیت قرارندہ تصریحی لازم کلیرایکن بالذہول جہت جزائیہ ذکر ایدلسی مخالف قانون و تبلیغنامہ مندرجاتی بوجہتی شامل اولہرق وارد وبجا بولنش اولدیغندن اصول محاکمات جزائیہ قانونک اوچیوز اون دردنجی مادہ سنہ توفیقاً اعلام اخیر مذکورک دخی تفضیلہ احکام قانونیہ توفیق معاملہ اولنق اوزرہ اوراقنک محلہ اعادہ سنہ وایکی یوز غروش اعلام خرچنک ایلرودہ حقسنر چیقہ جق طرفدن تحصیلہ ۲ اگستوس ۳۳۰ تاریخندہ متفقاً قرار ویرلدی.

محکمہ تمیز جزا دائرہ سدر

محکمہ تمیز استرعا دائرہ سدر صادر اولادہ ۸ شریہ اول سنہ ۳۲۹ تاریخ ۲۱۱۴ نومروی اعلام صور تیزر:

« ایشدہ مررر زمان اولدینی تحقق ایتدکدن صکرہ دعوانک اساسنہ کیریشمک »

« موجب نفضر »

حلب ولایتی استیناف محکمہ سی جزا دائرہ سندن تنظیم واعطا قلنان ۱۶ تموز سنہ ۳۲۹ تاریخ و یوز قرق

بش نومروی اعلامک تمیزاً تدقیقی مستدعی ولایت مذکورہ اورمان اداره سی جانبندن معطی استدعانامہ ایله اوراق متفرعہ سی باش مدعی عمومیک مأموریت علیہ سندن تبلیغنامہ محکمہ تمیز استدعا دائرہ سنہ تودیع اولنش ولدی التدقیق مذکور استدعانامہ نک مدت قانونیہ سی ظرفندہ اعطا قانیدینی ا کلاشلش ایدوکنندن بالقبول تدقیقات تمیزہ اجرا سنہ ابتدار اولندی.

اعلام مذکورک خلاصہ مالی میری اورمانندن بلارخصت اغاج قطع وکراستہ اعمال ایلدکری ادا اولنان یدیک اوغلی میناس ایله معلوم الاسامی رفقاسنک قطعیات مذکورہ نک بوندن بر سنہ اول حکومتک امریالہ مکتب ابتدائی ایچون وقوعولدیغنی سویلترینہ وبوجہت اورمان مأموری جانبندن تصدیق ایدلسنہ وذاتاً قطعیات واقعہ مرور زمانہ تابع اولسنہ نظراً مظنونلرک عدم مسئولیتترینہ دائر بدایہ لاحق اولان حکمک اورمان اداره سی جانبندن اقامہ اولنان استیناف دعواسنک سبق ایدن محاکمات وتدقیقات استینافہ نتیجہ سندن غیروارد اولان اعتراضانک ردیله اعلام ابتدائیک موافق اصول وقانون اولدیغندن بحثله تصدیقہ قرار ویرلدیکنی متضمندر.

تمیز استدعانامہ سندن دعوی واقعہ وکراستہ امانی طلبنہ متعلق اولسنہ نظراً اورمان نظامنامہ سنک اوتوز برنجی مادہ سنہ تطبیقاً حکم اولنسی مغایر قانون ایدوکنندن بحثله اعلام استینافینک نقضی استدعا اولنش وتبلیغنامہ دخی اعلام میز بیدہ محرر اسباب موجبہ قانونیہ یہ نظراً ذکر اولنان استدعانامہ اعلام مذکورک مغایرت قانونیہ سنہ دائر سرد اولنان اعتراض غیروارد ایدوکی بیانیلہ ردی لزومی کوسترلشدر.

ایجابی لیدی المذاکرہ مندرجات اعلامدن منضم اولدینی وجہلہ درجہ اولی محکمہ سنجہ میری اورمانندن بلارخصت اشجار قطع ایتدکری ادا اولنان میناس ایله رفقاسنک اجرا قلنان محاکمہ لری نتیجہ سندن ایشدہ مرور زمان وقوعنک ثبوت وتحقیق اوزرینہ دعوانک بوتقطہ دن سقوطنہ قرار ویرلک لازم کلورکن بر طرفدن مرور زمان وقوعی بیان وتذکار ودیکر طرفدن دخی دعوانک اساسنہ کیریشلہ رک مظنونلرک عدم مسئولیتلری یولندہ اتخاذ قرار اولنسی کبی یکدیگریلہ قابل تألیف وتوفیق اولمایہ جق اسباب موجبہ مستند اولان سالف الذکر قرار ابتدائیک محکمہ استینافہ جہ بوندن دولای فسخی وکیفیتک صور محررہ دائرہ سندن تحت حکمہ آنسی لزوم قانونیسنہ قارشو تصدیق جہتنہ کیدلسی یولسزومستلزم نقض اسبابدن اولوب تمیز استدعانامہ سی مؤداسی بووجهلہ وارد وبجا کورنش ایدوکنندن اصول محاکمات جزائیہ قانونک اوچیوز اون دردنجی و اوچیوز اون طقوزنجی مادہ لری منظوقجہ اعلام استینافینک سبب مزبورہ بناء تفضیلہ احکام قانونیہ دائرہ سندن ایقاع معاملہ اولنق اوزرہ اوراق متعلقہ سنک محکمہ مذکورہ یہ اعادہ سنہ وایکی یوز غروش اعلام خرچنک تعرفہ وتعلیمات مخصوصہ سنہ توفیقاً ایلرودہ حقسنر چیقہ جق طرفدن استیفاسنہ ۸ تشرین اول ۳۲۹ تاریخندہ متفقاً قرار ویرلدی.

محکمہ تمیز استدعا دائرہ سندھ صادر اول ۱۶ فانوہ اول سنہ ۳۲۹ تاریخ ۲۱۳۷ نومرولی اعلام

صور تیر:

« عن الغياب رؤيت ايدلين دعوانك بر دها قابل اعتراض اولماق اوزره تحت »

« حكمه آلمسى مقتضيدر »

بغداد ولايتي استيناف محكمه مبی جزا دائره سندن تنظيم واعطا قلنان ۲۹ حزيران سنه ۳۲۹ تاریخ و اوچوز اوتوز طقوز نومرولی اعلامك تمیزاً تدقیقی مستدعی مدعی شخصی صالح الياهو کر کوکلی افندی جانبندن معطی استدعانا مه ايله اوراق متفرع مبی باش مدعی عمومیک مأموریت علیه سندن بتبلیغنامه محکمہ تمیز استدعا دائره سنه نودیعی اولمش ولدی التدقیق مذکور استدعانك مدت قانونیه مبی ظرفنده اعطا و شرائط لازمه سائر نك دخی ایفا قلندینی آکلاشلمش اولدیغندن بالقبول تدقیقات تمیزیه اجراسنه ابتدار ایدلی .

اعلام مذکورك خلاصه مالی سلیمان بن حاجی داود مهریله مختوم داوده محرر ایکی قطعه سنه موضوع مهرلری شق ایتدیکی ادعا اولنان جعفر بن حاجی حسنك برائته دائر بدایه لاحق اولان حکمك مدعی شخصی صالح الياهو کر کوکلی جانبندن استیناف ایدلمی اوزرینه تعیین ایدیلان یوم محاکمه مومی الیهك دعوت واقعه اجابته محکمه و ورود ایتامش واستیناف استدعانا مه سنه بر حق وسبب درمیان ایتامش اولدیغندن بحثله استیناف دعوا سنك ردینه دائر عن الغياب صادر اولان اعلامه قارشو مومی الیهك اعطا ایدلیکی اعتراض استدعانا مه سنك مدعی شخصیلرك حق اعتراضه مالکیتلری حقنده صراحت قانونیه موجود اولدیغنی بیانیه ردینی حاوی تنظیم قلنان اعلامك عندالتمیز اسباب قانونیه دن طولانی نقض و اعاده اولمنی اوزرینه نقض واقعه بالاتباع جریان ایدن تحقیقات اخیره نتیجه سنه معترض مومی الیه صالح الياهو افندیك اخیراً تعیین قلنان یوم محاکمه حاضر بولنماسندن ناشی اصول محاکمات جزایه قانونك یوز طقسنا نچی ماده مبی حکمته توفیقاً سالف الذکر اعتراض استدعانا مه سنك کان لم یکن غدینه قرار ویرلدیکنی متضمندر . لایحه تمیزیه ده نقض واقع اوزرینه دعوانك یکیدن رؤیت اولمنی حسیله دعوی مذکور نك کیفیت تعلیق ملغا اولمنی اعتباریه امر محاکمه نك تعلیق اولدیغنی کونده عدم اجابتی اساسنه عطفاً اعتراض استدعانا مه سنك بروجه محرر ردینه قرار ویرلمی مخالف اصول وقانون ایدو کندن بحثله اعلام اخیر استینافینك دخی تقضی استدعا قلندینی کبی تبلیغنامه ده دخی معترض مرقوم ایلک یوم محاکمه اثبات وجود ایتامش اولمنه نظرأ محاکمات لاحقه ده کلامی اوزرینه حقنده عندالغیاب معامله قانونیه ایفاسی لازم کلورکن قبول ایدلمش اولان اعتراض استدعانا مه سنك ردینه قرار ویرلمی یولمز کورلمش و لایحه تمیزیه ده بوکا متعلق اعتراض وارد بولنش اولدیغنی بیانیه اعلام مذکورك بوسیدن ناشی تقضی لزومی کوسترلمشدر .

ایجابی لدی المذاکره مندرجات اعلامدن استنباط اولدیغنی وبالاده مرقم تبلیغنامه ده دخی کوسترلدیکی اوزره مدعی شخصی صالح الياهو کر کوکلی حکم غیابی علیه اعطا ایدلیکی اعتراض علی الحكم استدعانا مه سنك برنجی یوم محاکمه سنه اجابت ایتسنه مبی قبولی تحت قراره آلمش اولمنه نظرأ معترض مزبور بالآخره تعیین ایدیلان یوم محاکمه حاضر بولنماسی اوزرینه عن الغياب محاکمات و تدقیقات اجراسیله کیفیتك بردها قابل اعتراض اولماق اوزره قراره ربطی لازم کلورکن محکمہ استینافیه جه صور محرره دائره سنه ایفای معامله اولمنسزین ذکر اولنان اعتراض استدعانا مه سنك بروجه محرر ردی جهته کیدلمی یولمز و مغایر اصول وقانون اولوب بوجهته متفرع اولان اعتراض وارد و بجا کورلمش ایدو کندن اصول محاکمات قانونك اوچوز اون دردنچی و اوچوز اون طقوزنجی ماده لری منطوقجه اعلام استینافینك بوسیدن طولانی تقضیه احکام قانونیه دائره سنه ایفای معامله اولمنق اوزره اوراق دعوانك محله و تمیز جزای تقدیمی اوله رق محلی مال صندوقه تودیعی ایدلمش اولان بش لیرانك اصول مذکورك اوچوز قرق اوچنجی ماده سنه توفیقاً مستدعی به اعاده سنه وایکیوز غروش اعلام خرجنك تعرفه و تعلیمات مخصوصه مبی موجبنجه ایلروده حقسنر حقه حق طرفدن استیناف سنه ۱۴ تشرین اول ۱۳۲۹ تاریخده متفقاً قرار ویرلدی .

محکمہ تمیز استدعا دائره سندھ صادر اول ۱۸ فانوہ اول سنہ ۳۲۹ تاریخ ۲۲۲۲ نومرولی اعلام صور تیر:

« مسروق باغ و مسموم قصر اگ بولندینی محلل پیننده نقدر مسافه اولدیغنی »

« رؤیت قابل اولوب اولدیغنیك تحقیق ایدلمه مبی موجب فسغدر »

نابلس سنجانی بدایت محکمه مبی جزا دائره سندن استینافاً تنظیم واعطا قلنان ۲۵ حزيران سنه ۳۲۹ تاریخ و یوز طقسنا التي نومرولی اعلامك تمیزاً تدقیقی مستدعی محمد بن خلیل الحاج صالح جانبندن معطی استدعانا مه ايله اوراق متفرع مبی باش مدعی عمومیک مأموریت علیه سندن بتبلیغنامه محکمہ تمیز استدعا دائره سنه تودیعی اولمش ولدی التدقیق مذکور استدعانا مه مدت قانونیه مبی ظرفنده اعطا و شرائط لازمه سائر سنك دخی ایفا قلندینی آکلاشلمش اولدیغندن بالقبول تدقیقات تمیزیه اجراسنه ابتدار ایدلی .

اعلام مذکورك خلاصه مالی عبدالرحیمك زیتون یاغنی سرقت وقصر اغنی تسمیم ایتدکری ادعاسیله مظنون علیهم اولان اشخاصدن مستدعی تمیز محمدك سرقت ماده سندن برسنه حبسنه و قصر اق تسمیمی کیفیتدن فقدان دلائلدن طولانی برائته دائر بدایه و غیاباً لاحق اولان حکمك مظنون مرقوم جانبندن استیناف اولمنی اوزرینه سبق ایدن تدقیقات نتیجه سنه حبسنه متدائر قسمنك موافقت قانونیه سندن بحثله تصدیقه قرار ویرلدیکنی متضمندر .

لایحه تمیزیده فعل مذکوره جرأتی حقه برکونا دلائل قانونیه موجود اولدینی حالده درجه اولی محکمه سنجه بوراسی نظر دفته التمسین وشهود مستمعنه افادات متباینه لری بالمواجهه حل ایدلمکسزین بوجه محرر محکومیتته دائر اتخاذ اولنان قرارک عندالاستیناف تصدیقه قرار ویرلمسی مخالف اصول وقانون ایدوکندن بخله اعلام استینافینک نقضی استدعا قلمش وتبلیغنامه ده دخی مذکور لایحه ده اصول واساسه متعلق درمیان ایدیلان اعتراضاتک اعلام میزبه مندرجاته نظراً غیر وارد اولدینی بیانیله ردی لزومی کوسترلمشدر .

ایجابی لدی المذاکره مندرجات اعلامدن منفهم اولدینی اوزره عبدالرحیمک زیتون یاغنی سرقت وقصر اغنی تسمیم ایتدکاری ادعا اولنان اشخاصدن محمد بن خلیلک سرقت ماده سندن تحدید جزاسنه وقصر اراق تسمیمی کیفیتدن طولانی برائته دائر بدایه لاجن اولان حکمک عندالاستیناف حبسه متدائر قسمک تصدیقه قرار ویرلمش ایسه ده درجه اولی محکمه نجه غیاباً جریان ایدن محاکمه اتناسنده افاده مضبوطه لری قرائت اولنان ومدار حکم اتخاذ ایدیلان حقوق عمومیه شاهد لرندن عباده ایله احمدک بولندقلری موقع ایله مسروق یاغ ومسموم قصر اغنک بولندینی محالر بیننده تقدیر مسافه اولدینی ورؤیت قابل اولوب اولمدیغنک تحقیق ایدلامسی کیفیتک تشکیل ایلدیکی سبب فسخ عندالاستیناف نظر دفته التماس و برده بدایه محاکمه مظنون مرقومک غیابنده جریان ایتدیکی جهته محکمه استینافیه جه شهود مرقومه نک بالمواجهه استماعی لازم کلورکن بوقاعده قانونیه ده رعایت ایدلامش اولسی یولسز و مستلزم نقض احوال دن اولوب لایحه تمیزیه مؤداسی بوصورتله واردوبجا کورنش ایدوکندن اصول محاکمات جزائیة قانوننک اوچوز اون دردنچی و اوچوز اون طقوزنجی ماده لری منطوقجه اعلام استینافینک اسباب محرره دن ناشی تقضیه احکام قانونیه دائره سنده ایفای معامله اولنق اوزره اوراق دعوائک محله اعاده سنه و ایکوز غروش اعلام خرجنک تعرفه وتعلیمات مخصوصه سی موجبجه ایلروده حقسز حقیقه جق طرفدن استیفاسنه ۳ تشرین اول سنه ۳۲۹ تاریخنده متفقاً قرار ویرلدی

محکمہ تمیزی استدعا دائره سنده صادر اولده ۱۹ مایس سنه ۳۳۰ تاریخنی و ۴۴۵۷ نومردی اعلام صورنیر:

« اسلحه ممنوعه طاشیمق جرمک قابلیت استینافیه بی حائر اولدینه دائر »

قیصریه سنجانی بدایت محکمه سی جزا دائره سندن استینافاً تنظیم واعطا قلنان ۷ کانون ثانی ۱۳۲۹ تاریخ و یوز آتمش بر نومردی اعلامک تمیزاً تدقیقی طلبنی حاوی محکمه مذکوره مدعی عمومی معاونلکی جانبندن معطی استدعایه ایله اوراق متفرعه سی باش مدعی عمومیک مأموریت علیه سندن بتبلیغنامه محکمه تمیز استدعا دائره سنه تودیع اولنش ولدی التدقیق مذکور استدعایه نک مدت معینه قانونیه سی ظرفنده اعطا قلندینی اکلاشلش اولدیغندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی خلاف تنبیه اسلحه طاشیمق ماده سندن طولانی مظنون علیه اولان قره بتک برائته دائر بدایه لاجن اولان حکم حقوق عمومیه مأموری جانبندن استیناف ایدلمسی اوزرینه سبق ایدن محاکمه و تدقیقات استینافیه نتیجه سنده مظنون مرقومه اسناد اولنان فعل قباحث درجه سنده اولسنه نظراً حکم مذکور قابل تمیز اولدینی حالده حقوق عمومیه مأموریتجه تمیزاً تدقیقه توسل اولنق لازمه قانونیه دن ایکن استینافاً تدقیقه دائر اعطا اولنان استدعایک مغایر قانون ایدوکندن بالبحث ردیه سالف الذکر حکم ابتدائینک تصدیقه قرار ویرلدیکنی متضمندر .

لایحه تمیزیده مظنون مرقومک فعل مذکوره جرأتی اولبایده کی ضبط ورقه سی مندرجاته ثابت اولدینی وجرم مذکور قابل استیناف بولندینی حالده محکمه استینافیه جه بوجه محرر اسبابه بناء اولبایده کی استیناف استدعایه سنک ردینه قرار ویرلمسی یولسز ومغایر قانون ایدوکندن بخله ذکر اولنان اعلام استینافینک نقضی استدعا قلندینی کی تبلیغنامه ده دخی محکمه استیناف برطرفدن قرار ابتدائینک قابلیت استینافیه سی تحت قراره آلدینی حالده دیگر طرفدن حکم ابتدائینک تصدیقه قرار ویرمش اولسی یولسز ولایحه ده نقصان تدقیقات حقه سدر ایدیلان اعتراضات دخی بجا اولدینی بیانیله تمیز استدعایه سنک ردی لزومی کوسترلمشدر .

ایجابی لدی المذاکره مندرجات اعلامدن منفهم اولدینی اوزره مظنون قره بته عطفاً واسناد اولنان اسلحه ممنوعه طاشیمق ماده سنک ثبوت وتحقیق حالده بو بایده مابه التطبيق اتخاذی مقتضی ماده قانونیه به نظراً مرقومک فعل مذکور دن طولانی برائته دائر بدایه ویریلان حکمک قابلیت استینافیه سی بدیدار اولسنه مبنی حکم مذکور علیه نه کی استیناف استدعایه سنک قبولی مقتضی ایکن رد اولنسی یولسز ومغایر احکام قانون اولوب لایحه اعتراضیه مؤداسی تبلیغنامه ده دخی مرقم اولدینی اوزره بوصورتله واردوبجا کونمش ایدوکندن اصول محاکمات جزائیة قانوننک اوچوز اون دردنچی و اوچوز اون طقوزنجی ماده لری منطوقجه اعلام استینافینک سبب مشروحه مبنی تقضیه احکام قانونیه دائره سنده ایفای معامله اولنق اوزره اوراق محله اعاده سنه ودرت یوز غروش اعلام خرجنک تعرفه وتعلیمات مخصوصه سنه توفیقاً ایلروده حقسز حقیقه جق طرفدن استیفاسنه ۱۹ مایس ۳۳۰ تاریخنده متفقاً قرار ویرلدی .

محکمہ تمیزی استدعا دائره سنده صادر اولده ۳۱ مایس سنه ۳۳۰ تاریخنی و ۶۸۳ نومردی اعلام صورنیر:

« طرف حکومتدن مهاجرینه اعطا وتسلیم قلنان اراضیه مداخله ایدلامسی محلی »

« مجلس اداره سی جانبندن تنبیه ایدلش ایکن مخالفت ایله تکرار مداخله »

« ایلش اولسی اوچ ماه حبسی مستلزمدر »

خداوندکار ولایتی مرکز بدایت محکمه سی ایکنجی جزا دائره سندن استینافاً تنظیم واعطا قلنان

۱۵ شباط ۳۲۹ تاریخ و یوز ایکی نومرولی اعلامک تمیزاً تدقیقی مستدعی حاجی حسن زاده یحیی بک جانبدن معطی استدعای نامہ ایله اوراق متفرعہ سی باش مدعی عمومیک مأموریت علیہ سندن باتلیغنامہ محکمہ تمیز استدعا دائرہ سنہ تودیع اولمش ولدی التدقیق مذکور استدعای نامہ نک مدت قانونیہ سی ظرفدہ اعطا و شرائط لازمه سائرہ سنک دخی ایفا قلندیی اکلالمش ایدوکندن بالقبول تدقیقات تمیزیه اجراسنہ ابتدار اولندی. اعلام مذکورک خلاصہ مالی تنبیہات حکومتہ قارشو قرتال قریہ سی مهاجرلرندن بعضلرینک اراضیسنہ تجاوزانده دوام ایلدیکی ثابت اولان مستدعی یحیی بک قانون جزانک یوز اوتوزنجی مادہ سی ذیلنک اوچنجی فقرہ سی حکمنہ توفیقاً اوچ ماه حبسنہ دائرہ بدایہ لاحق اولان حکمک تصدیقی حاوی تنظیم واعطا قلنان اعلام استینافینک اسباب قانونیہ دن ناشی تمیزاً نقض واعادہ اولنسی اوزرینہ نقض واقعه بالاتباع سبق ایدن محاکمہ وتدقیقات استینافیہ نتیجہ سنده اعلام مستأنف بہک تصدیقہ قرار ویرلدیکی متضمندر. لایحہ تمیزیدہ قانون مذکورک یوز اوتوزنجی مادہ سنک ذیلنک اشبو دعوادہ مابہ التطبيق اولمادیفی جالده محکمہ استینافیہ جہ بوجہتک نظر دقتہ آنمفسرین حکم ابتدائینک تصدیق اولنسی مغایر قانون ایدوکندن بحثلہ اعلام اخیر استینافینک دخی نقض استدعا اولمش و تبلیغنامہ دخی قانون جزانک یوز اوتوزنجی مادہ سی ذیلنک مابہ التطبيق اتخادی حکماً کندی یدی نزع اولندیغک ثبوتنہ متوقف اولوب مظلون علیہک منع مداخلہ سنی متضمن مجلس اداره قراری اداری بر محکمہ دن صادر اولان حکم ماییتندہ بولنامسی اعتباریلہ مذکور مادہ ذیلنک تطبیقندہ اصابت اولمادیغہ دائر مدعی عمومی ایله وکیل مدافع طرفلرندن سرد ایدیلان مدعیات ومدافعات محکمہ جہ شایان قبول کورلدیکی تقدیردہ اسباب موجبہ سنک قرار محکمدہ ذکر وتعدادی لازم کلورکن غیر وارد تعیریلہ اکتفا اولمش اولنسی مغایر قانون کورلمش ولایحہ دہ یوکا متعلق درمیان ایدیلان اعتراضات بحا بولمش اولدیغندن ذکر اولنان اعلامک بو سببیدن قضی لزومی کوسترلمشدر.

ایجابی لدی المذاکرہ طرف حکومتدن مهاجرینہ اعطا وتسليم قلنان اراضیہ ہر نہ صورتلہ اولورایسہ اولسون مداخلہ ایلامسی مستدعی تمیز یحیی بک محلی مجلس ادارہ سی طرفندن تنبیہ ایدلمش ایکن مخالفت ایله تکرار مداخلہ ایش اولدینی صورت جریان محاکمدن مستبان اولوب انحق مومی الیہک شو حرکت مثبتہ سی قانوننامہ جزانک یوز اوتوزنجی مادہ سی ذیلنک اوچنجی فقرہ سنہ تطبیقندہ عدم اصابتی بدیدار اولان اعلام ابتدائینک عندالاستیناف بوجہت نظر دقتہ الخایہرق تصدیق اولنسی یولسر و مغایر احکام قانون اولوب اعتراضات واقعه بوصورتلہ وارد وبجا کورنمش ایدوکندن اصول محاکمات جزائیہ قانوننک اوچیوز اون دردنجی و اوچیوز اون طقوزنجی مادہ لری منظوقنہ اعلام اخیر استینافینک دخی بو سببیدن نقضیلہ احکام قانونیہ دائرہ سنده ایفای معاملہ اولنق اوزرہ اوراق متعلقہ سنک محکمہ مذکورہ و تمیز جزای تقدیمی اولہرق محلی مال صندوقہ تودیع اولنان بش لیرانک اصول مذکورک اوچ یوز قرق اوچنجی

مادہ سی موجبہ مستدعی بہ اعادہ سنہ ودرت یوز غروش اعلام خراجنک تعرفہ و تعلیمات مخصوصہ سنہ توفیقاً ایرلورده حقمر چیقہ حق طرفدن استیفاسنہ ۳۱ مایس ۳۳۰ تاریخندہ متفقاً قرار ویرلدی. حکم تمیز استدعای نامہ صادر اولرہ ۲۵ مزیرانہ ۳۳۰ تاریخنہ ۱۰۱۴ نومرولی اعلام صورتیرد. «دلائل ثبوتیہ دن معدود حالات و کیفیات لایقیلہ ایضاح اولنق مقتضدر»

درسعادت استیناف محکمہ سی جنجہ دائرہ سندن تنظیم واعطا ۱۷ مارت سنہ ۳۳۰ تاریخندہ تفہیمی اجرا قلنان قراری ناطق اعلامک تمیزاً تدقیقی مستدعی یوزغانجی اسماعیل جانبدن معطی استدعای نامہ ایله اوراق متفرعہ سی باش مدعی عمومیک مأموریت علیہ سندن باتلیغنامہ محکمہ تمیز استدعا دائرہ سنہ تودیع اولمش ولدی التدقیق مذکور استدعای نامہ نک مدت قانونیہ سی ظرفدہ اعطا و شرائط لازمه سائرہ سنک دخی ایفا قلندیی اکلالمش ایدوکندن بالقبول تدقیقات تمیزیه اجراسنہ ابتدار اولندی. اعلام مذکورک خلاصہ مالی محمد نجیب بک یوکلرینی سرقت ایلدیکی ادعا اولنان مستدعی اسماعیل برائتہ دائرہ بدایہ لاحق اولان حکمک عندالاستیناف فسخیلہ سبق ایدن محاکمہ وتدقیقات نتیجہ سنده مظلون مرقوم اسماعیل ایکی یوز سکسان سکز بالیا طراق الی یوکلرینی سرقت ایتدیکي شہودک اخباراتی و کندوسنک یدندہ دردست اولنان یوکلری حیدردن اشترا ایلدیکینی اثبات ایدہ مہمسی و یکدیگرینہ مبین افادہ سی دلالتیلہ مرتبہ ثبوتدہ کوریلان حرکت واقعه سندن ناشی قانون جزانک ایکی یوز اوتوزنجی مادہ سی حکمنہ توفیقاً اوچ ماه مدتلہ حبسنہ و ختام مدتدہ ضابطہ جہ کفالت اللہ النسنہ ومدعی بہ تسلیم اولناندن ماعداد یوز قرق یدی بالیا ایچون طلب اولنان یوزلیرا حق شخصینکدہ بالتحصیل مدعی بہ اعطاسنہ قرار ویرلدیکی متضمندر.

لایحہ تمیزیدہ علیہندہ استماع اولنان شاهدلر عدم معلومات بیان ایتدکلی کبی کندوسنک مذکور یوکلری حیدردن اشترا ایلدیکینی حقدہ کی ادعای شہاد خیرالدین وحسن و ضیا افندیلرک افادہ لریلہ مؤید ایکن بوجہتک ومذکور یوکلری وزن ایدن قطارچینک جلب واستماعی حقدہ کی ادعاسنک نظر اعتبارہ آنمفسرین محکومتی جہتہ کیدلمسی مغایر قانون ایدوکندن بحثلہ اعلام استینافینک قضی استدعا اولمش و تبلیغنامہ دہ قرار تمیزیه اسباب موجبہ مستند اصول وقانونہ موافق اولوب لایحہ تمیزیدہ عکسی یولده سرد ایدیلان اعتراضاتک غیر وارد ایدوکنندن ردی لزومی کوسترلمشدر.

ایجابی لدی المذاکرہ محکمہ استینافیہ جہ شہودک اسباب ثبوتیہ دن عد اولنان اخباراتی مسروقتی ادعا ایدیلان معلوم المقدار یوکلری بالیی اولان سراقیان ایله مدعی شخصی نجیب بکدن مظلون اسماعیلک اشتراہ طالب اولدیغنی افادہ وحکایہ دن عبارت اولوب شہود مستمعہ دن هیچ بری مذکور یوکلری محفوظ اولدیغنی

ایوبده کی ارضیه دن سرقت ایلدیکنه دائر رؤیته مستند اخباراتده بولنماش و بالعکس فعل سرقت حقنده عدم معلومات بیان ایش ایش اولدقلری کی اساساً بویله ایکی یوز سکسان سکنز بالیه یوکک مذکور ارضیه دن سرقت صورتیه اشیرلسی کیفیتک درجه قابلیت شایان تأمل مواددن بولنمش ومع هذا مظنون مرقوم اشبو یوکاری متوفی حیدردن صاتون آلمش اولدینگی مدافعه درمیان ایدرک شهوددن خیرالدین وحسن افندیله یاقو طرفندن شو مدافعه یی مؤید بعض اخباراتده وقوعبولش اولسنه نظراً اصول مذکوره نظر دفته آله رقیق بوباید اسباب موجبه قانونیه سرد و تیان و فعل سرقت حقنده قانوناً دلائل ثبوتیه دن معدود حالات و کیفیات لایقیه ایضاح و بیان قلمق صورتیه اتخاذ قرار ایدلسی و یوز قرق سکنز بالیه یوک ایچون وقوعبولان طلب اوزرینه تحت حکمه النمش اولان یوز لیرا حق شخصینک صور ثبوتیه سیده ارائه قلمق لازم کلور ایکن جهات مبسوطه دن بالذهل بوجه محرر اتخاذ قرار اولنسی یولسز و مستلزم نقض احوال دن اولوب اعتراضات واقعه شو صورتیه وارد و بجا کورنمش ایدوکنندن اصول محاکمات جزائییه قانوننک اوچوز اون طقوزنجی ماده لری منطوقجه اعلام استینافینک اسباب محرریه بناءً تقضیه احکام قانونیه دائره سنده ایفای معامله اولمقی اوزره اوراق متعلقه سنک محکمه مذکوره یه اعاده سنه درتیوز غروش اعلام خرجنک تعرفه و تعلیمات مخصوصه سنه توفیقاً ایلروده حقسنز چیه حق طرفدن استیفاسنه ۲۵ خیزران سنه ۳۳۰ تاریخنده متفقاً قرار ویرلدی.

محکمہ تمیز استدعا دائره سنده صادر اولده ۱۵ تموز سنه ۳۳۰ تاریخ و ۲۶۹ نومرولی اعلام صورتیه :

« جزای تقدیمی طلب اولنان دفترک امضا و مهردن عاری اولسی اعتباریه »
« بوندن طولای جزای نقدی استیفا اولنسی جائز دکدر »

رسم تمغا جزای تقدیسندن طولای قدس شریف بدایت محکمه سی حقوق دائره سندن تنظیم و اعطا قلوب موسی المهدی افندی طرفندن شرائط لازمه سی بالایفا مدت قانونیه سی طرفنده تمیزاً تدقیق استدعا قلنان ۲ اغستوس ۳۲۸ تاریخلی قرارنامه و اوراق متفرعه سی باش مدعی عمومیک مأموریت علیه سنک مطالعه نامه سیله برلشدریلرک محکمه تمیز استدعا دائره سنده مطالعه و تدقیق اولندی .

مذکور قرارنامه نک خلاصه مالی قدسلی خالد افندی طرفندن خلیل ضاینا علیه اقامه اولنان الاجق دعوا سنک اثنای محاکمه سنده مدعی علیه طرفندن ابراز اولنان بر قطعه تعشیر دفتری صورتیه بش غروشلق مقطوع پول الصاقی لازم کلور ایکن یولسز اولدینگی حالده مجالس اداره مهریه تصدیق ایدلمش اولسندن ناشی رسم تمغا قانوننک اوتوز سکنزنجی و قرقنجی ماده سیله قرق یدنجی ماده سنک فقره ثانییه سنه توفیقاً صورت مذکوره نک تاریخ اعطاسی اولان نیشان ۳۲۷ سنه سنده متصرف اولان ذات ایله مجلس اداره

باش کاتبی موسی المهدی افندی کفالت متسلسله ایله بشیوز غروش جزای تقدینک تحصیلنه قرار ویرلدیکنی متضمندر .

لایحه تمیزیه ده ذکر اولنان تعشیر دفتری صورتی افراد طرفندن طلب ایدلیوب مجلس اداره لواجه کوریلان لزوم اوزرینه اعطا قلندیجی جهته رسم تمغا قانوننک معافیات فصلنک دردنجی نومروسی موجبجه پول الصاقیه لزوم اولمادینگی حالده محکمه محلیه جه جزای نقدی اخذینه قرار ویرلسی مخالف قانون ایدوکنندن بالبحث قرارنامه میزبهک نقضی و جواب لایحه سنده ده قرار مذکورک موافقت قانونیه سندن بالبحث تصدیق استدعا قلمش و تبلیغنامه ده دخی تعشیر دفتری اساساً پوله تابع اوراقدن معدود اولمادینگی کی مذکور دفتر صورتیه کندیله اعطاسنه دائر افراد طرفندن طلب وقوعبولقسزین مجلس اداره جه کوریلان لزوم اوزرینه صورتی اخراج و اعطا اولمادینگی حالده نظامنامه مذکورک معافیات فصلنک دردنجی نومروسنده مندرج صراحت قانونیه یه نظراً پوله تابع اوله میه جی کی باش کاتبک دفتر صورتنک امر تصدیق و تخمیننده وظیفه مشارکتی اولوب اولمادینگی جهتی ده لازم التدقیق احوال دن بولنمش ایکن محکمه مذکوره جه بورالری نظر تأمله المنقسزین جزای نقدی تحصیلنه قرار ویرلسی احکام قانونیه یه مخالف اولوب سالف الذکر استدعا نامه ده درمیان اولنان اعتراضات وارد و بجا ایدوکی بیانیه قرارنامه مذکورک نقضی لزومی کوسترلشدر .

ایجابی لدی المذاکره خلاصه مندرجاتی بالاده مرقم تبلیغنامه ده دخی بیان و حکایه قلندیجی اوزره جزای تقدیمی طلب اولنان دفترک امضا و مهردن عاری اولسی اعتباریه بوندن طولای جزای نقدی استیفا اولنه میه جی بدیدار ایکن محکمه محلیه جه مستدعی موسی المهدی افدینک بوجه محرر جزای نقدی ایله حکومتی جهته کیدلسی یولسز و احکام نظامیه یه مخالف اولوب اعتراضات واقعه بوجهله وارد و بجا کورنمش ایدوکنندن مذکور قرارنامه نک مستدعی موسی الیهه عائد فقره سنده سبب مشروحه بناءً تقضیه احکام قانونیه دائره سنده ایفای معامله اولمقی اوزره اوراقنک محله و مال صندوقه تودیع ایدلمش اولان مبلغ محکوم بهک مستدعی یه اعاده سنه و درتیوز غروش اعلام خرجنک تعرفه و تعلیمات مخصوصه سنه توفیقاً ایلروده ایجاب ایدن طرفدن استیفاسنه ۲۱ مایس ۳۳۰ تاریخنده متفقاً قرار ویرلدی .

محکمہ تمیز استدعا دائره سنده صادر اولده ۱۶ تموز سنه ۳۳۰ تاریخ و ۲۹۶ نومرولی اعلام صورتیه :

« مسئله مستأخره »

ماردین سنجاجی بدایت محکمه سی جزا دائره سندن استینافاً تنظیم و اعطا قلنان ۱۸ کانون اول ۳۲۹ تاریخ ویدیوز اوتوزسکنز نومرولی اعلامک تمیزاً تدقیق مستدعی حاجی محمدسعید بن شیخ موسی جانبندن

معطی استدعاینامه ایله اوراق متفرعه سی باش مدعی عمومیلک مأموریت علیه سندن تبلیغنامه محکمه تمیز استدعا دأر سینه تودیع اولمش ولدی التدقیق مذکور استدعاینامه نك مدت قانونیه سی ظرفیده اعطا و شرائط لازمه سائر سئك دخی ایفا قلندیگی اكلاشلش اولدیغندن بالقبول تدقیقات تمیزیه اجراسنه ابتدار ایدلدی . اعلام مذکورك خلاصه مالی طریق عامی تخریب ایتمك ماده سندن طولای مظلون علیه اولان مستدعی تمیز حاجی محمد سعیدك تحدید جزاسنه دأر بدایه لاحق اولان حکمك مظلون مرقوم جانبندن استیناف اولنسی اوزرینه اسباب قانونیه دن طولای فسخیله سبق ایدن تدقیقات نتیجه سنده مظلون مزبورك باغنده قدیم دنیرو اهلینك مرور و عبورینه مخصوص اولان طریق سد ایده رك مرور و عبورلرینه مانع اولدیگی شهود مستمعك شهاداتی و اولاباده کی كشف ورقه سی مندرجاتی ایله مرتبه ثبوتده کورلسندن ناشی قانون جزانك ایکی یوز قرق طقورنجی ماده سی حکمنه توفیقاً اوچ ماه حبسنه و طریق مذکورك حال سابقه ارجاعنه قرار ویرلیدیگی متضمندر .

لایحه تمیزیه ده دعوی واقعه نك فصل ورؤیتی حقوق محکمه سینه عائد مواددن اولدیگی حالده محکمه استینافیه چه بوراسی نظردقه التمسین بوجه محرر محکومیتی جهتنه کیدلسی مخالف اصول و قانون ایدو کندن بخله اعلام استینافینك نقضی استدعا قلندیگی کی تبلیغنامه ده دخی مظلون علیه حقنده تطبیق اولنان ماده مذکورده قانونیه ده طریق بالاختیار هدم و تخریب ایتمك تعبیری موجود اولسنه و اعلامده تفصیلاً بیان اولندیگی وجه اوزره مرقومك فعلی ده طریق عامی سد ایتمكدن عبارت بولسنه نظراً تطبیقات قانونیه ده اصابت کوریله مدیگی کی مذکور لایحه مندرجاتی بوضورتله بجا بولندیگی بیانیله مذکور اعلامك بوسیددن نقضی لزومی کوسترلمشدر .

ایجابی لدی المذاکره اوراق متعلقه سی مندرجاتندن منظم اولدیگی وجهله مظلون حاجی محمد سعید تخریب ایدلیدیگی ادعا اولنان محلك یکر می بش سنه بدرینك و اون بش سنه دنیری کندوسنك تحت تصرفده اولدیگی و بویخصوصه دأر بانقه دأر سینه موجود اولان تصرف سندینك باتذکره جلبی بیان و ادعا ایتمسه و دیگر طرفده بونك عکسنی ادعا ایلمسه نظراً ایشده حادث اولان مسئله مستأخره نظر دفته الهرق ادعا قلنان طایو سندینك جلب و تدقیقی ایله تعین ایده جك حاله کورده مسئله مذکورده دن طولای ایجاب ایدن طرفه مهل مناسب ادعاسیله تدقیقات جزائیته نك محکمه عائد سندن صدور ایده جك حکمه تعلیقاً تأخیری مقتضی اولدیگی حالده درجه اولی محکمه سینه شو امر مهمك نظر اعتنایه التماسی کیفیتی اسباب فسخیله جمله سندن عدایله ایشك صور محرره دأر سینه مجرای قانونیسنه ارجاعی لازم کورکن عندالاستیناف تعریفات مشروحیه توفیق معامله لزومندن بالذھول بر منوال محرر اتخاذ قراره مسارعت اولنسی یولسز و مغایر احکام قانون اولوب لایحه تمیزیه مؤداسی تبلیغنامه ده دخی کوسترلیدیگی اوزره شو صورتله وارد و بجا کورنمش اولدیغندن محاکمات جزائیته قانونك اوچوز اون دردنچی و اوچوز اون طقورنجی ماده لری منظوقجه اعلام استینافینك

بوسیددن تفضیله احکام قانونیه دأر سینه ایفای معامله اولنق اوزره اوراق دعوانك محلله و تمیز جزای نقدیسی اوله رق محلی مال صندوقه تودیع ایدلش اون بش لیرانك اصول مذکورك اوچوز قرق اوچنچی ماده سینه توفیقاً مستدعی به اعاده سینه و درتیوز غروش اعلام خرجك تعرفه و تعلیقات مخصوصه سی موجبجه ایلروده حقسز چیه جق طرفدن استیفا سینه ۱۹ مایس ۳۳۰ تاریخنده متفقاً قرار ویرلدی .

انجمن عدلیه مقرانی

انجمن عدلیه ده صادر اولان ۲۱ اغستوس سنه ۳۳۰ تاریخلی قرار صورتیله .

« تأجیل دیون قانونك امانه محفوظ اولان مبالغه تعلق و شمولی اوله میه جفته و اجرا معاملاتك وقت مناسبه تعلیقنه دأر »

تأجیل دیون قانونك کیفیت شمولنده حاصل اولان تردده بناء بعض موادك حلی لزومنه دأر امور حقوقیه مدیریت بهیه سندن بالتقدیم انجمن عاجزانه حواله بیوریلان ۲۰ اغستوس ۳۳۰ تاریخلی مذکره سی مطالعه اولندی .

بادی تردد اولدیگی کوستریلن مواددن برنجیسی تأجیل دیون قانونك دیون محکومه یه شامل اولوب اولدیگی ایکنجیسی دوائر اجراییه و زنه لرنده موجود نقودك احتیاجنه تماماً اعطا اولنوب اولنمایه جنی خصوصاً لریدرکه مدیریت مومی الیه اجهده درمیان اولندیگی وجهله قانون مذکورده « بالجمله دیون و تعهدات » یولنده عمومی بر تعبیر استعمال ایداسنه نظراً تأجیل دیونك دیون محکومه یه ده شمولی بولندیگی و دوائر اجراییه جه اولجه مدیونلردن تحصیل ایله محکوم لهره اعطا اولنق اوزره امانه محفوظ اولان مبالغه قانون مزبورك تعلق و شمولی اوله میه جفتدن بونلرک مراجعت و قوعنده داینلره اعطاسی لازم کله جکی درکار بولنمشدر .

اوچنچی و دردنچی ماده لری تشکیل ایدن معاملات حجزیه کلنجه تأجیل دیون امرنده قانون وضعندن مقصد بالنتیجه معاملات اجراییته نك وقت مناسبه تعلیق و تأخیرندن عبارت اولغله مدت معینه ظرفنده هیچ بر معامله اجراییه تشبث ایدیه میه جکی جهته معاملات اجراییه دن معدود اولان وضع حجزك جائز اولایه جنی و فقط اولجه وضع ایدلش بر حجز وار ایسه انك دخی فکی ایجاب ایتیوب علی حاله ابقاسی اقتضای ایده جکی و شو قدرکه نفقه ایتم ایله تأجیل دیون مدتك تحدیدینه دأر اخیراً نشر اولنان قانونده کوستریلن بعض مواد مستثنا اولوب بونلر حقنده معاملات اجراییه ده دوام ضروری بولنش اولدیگی تذکر قلندی اولاباده .

انجمن تجار ايران صادره ٢١ اغسطس ١٣٣٠ تاريخي قرار صورتيه :
 « دايتر الاجلري تحت تأمينه آلتق ايجون محكمه به مراجعتله جز احتياطي وضعه
 هروقت حائر صلاحيت در »

امور حقوقيه مديريت بهيه سنك اشبو مذ كره سي مطالعه اولندي .
 خلاصه مندرجاتي معاملات تجاريه ده معامله جزيه ايفاسنه تصدي روح قانون ايله قابل تأليف دكل
 ايسه ده مسائل حقوقيه ده معامله ايفاسنه دوام اولنق لازم كله جكني و مأجورك و يا خود بر ملكك تخليه سني
 طلبه صاحب ملكك هر زمان حق اولديغي و بوباده وضع حمزدن مقصد مديونك اموالي قاجيره رق دايتر
 اضراينه سببيت ويرمك كي احواله ميدان براقامق ايجون اتخاذا قلنان بر تدبير احتياطي اولوب بونك
 استيفاي مطلوب معناسي تضمن اتيه جكي جهتله تأجيل ديون قانونك بالمله معاملات اجرائيه نك تأخيري
 صورتده تلقى ايديله ميه جكني بيانن عبارتدر .

٢١ اغسطس ١٣٣٠ تاريخي مذ كرده دخي عرض اولندي اوزره تأجيل ديون قانوننن مقصد ذمتده
 ثابت اولان بر شيك و يا خود تقبل والنزام اولنان بر تعهدك اجراسني وقت معينه تعليق وتأخير دن عبارت
 اولغله منع مداخله و يا خود بر عينه تعلق ايدن احكام ايله قانون مذ كورده تصريح وتعداد ايديلن موادك
 بوندن خارج قاله جنق دركادر انلر حقنده كماكان معاملات اجرائيه ده دوام اولنق اقتضا ايدر مثلا بر محله
 وقوعولان مداخله نك منعي و يا خود مأجورك تخليه سي و بر مالك عينا اعاده سي و مدتلي كلن ديونانن
 يوزده بشنك و وعده لري حلول ايدن بدلات اجاره نك يوزده يكرمي بشنك تحصيلنه دائر اولان احكام
 اجرا قانوننه توفيقاً كالاول تنفيذ و اجرا ايديلير دائره اجراجه وقوعوله حق حمزه كلنجه : حمز اجرايدين
 مقصد بر اعلامك تنفيذ و اجراي احكاميدر . چونكه حمز ايديلن اموال بعضاً ارير ، چورير ، طور مقوله
 بوزيلور مقوله دن بولنورسه و يا خود مدت مديده محافظه سي بر جوق مصرفه محتاج اولوبده صاتيملغه مجبوريت
 حاصل اولورسه بعدالبيع ائمانتي هر حالده دايته اعطا ايتك ضروري اولديني و بونك ايسه معامله اجرائيه به
 دوامدن غيري برشي اولمادي دركادر . برده معاملات ناس يكديكره مربوط اولديغدن اموال تجاريه نك
 حمزدن استثناسيله افراد عائد اموالي حمز ايتك اهل ثروتدن اولان مديونلره قارشى اعلامي اجرا ايتك
 وديكر مديونلر حقنده بالعكس اجراي توقيف ايتك ديمك اولوب بونده ايسه تساوي معامله بولنه مابه جغدن
 بوقطه دن دخي دوائر اجرائيه حمز وضعنه صالح اوله ماز . انجق دايتر الاجلري تحت تأمينه الملق مجبوريتده
 بولنق قلى حالده محكمه به مراجعتله حمز احتياطي وضعنه هروقت حائر صلاحيت بولنق قلدنن صور مشروحه
 دائره سنده ايفاي معامله اولنسي موافق قانون اوله جنق مطالعه قلمش ايسه ده اجراي ايجابي منوط رأى
 سامي جناب نظارتنا هيلير ادر اولباده

قانون مجازات

اسويچره قانون مدني

بكن نسخه دن مابعد

٥٩٠ ماده : اهمالا و قيله الاجلري آراماش اوللرندن ناشي دفتره قيد اولناماش اولان
 اصحاب مطلوب ، وارثي نه بالذات ونه ده تركه نك اموالي اوزرندن مؤاخذه ايدم مز .
 مع هذا بو وارث ، بلا تقصير الاجفني وقت وزمانيله ابراز و اثبات اتيه ين يا خود ابراز ايدوبده
 مطلوبي دفتره قيد اولناماش اولان دايته قارشو مسؤل و مجبور قالير . (د : ٦٢ و الح .)
 هر حالده اصحاب مطلوب ، الاجلري تركه نك اموالي ره نله مقيد و مشغول اولديني مدتيجه ،
 بو حقلري دعوي واستحصال ايدم بيليرلر .
 ٥٩١ ماده : متوفانك درعهده ايتش اولديني كفالت دفتره آيريجه قيد اولنور . حتى وارثلر
 مطلق صورتده تركي قبول (١) ايتش اولسهر دخي ، افلاس ماده سنده مرعي اولان قاعده
 موجبجه متوفانك ديوني تصفيه اولندقده كفيللره بمقدار حصه اصابت ايدم جك ايدى ايسه
 يالكز او مقداره قدر مسؤلدرلر .
 ٥٩٢ ماده : اياله ويا بلديه به انتقال ايدن هر وراثت بروجه بالا رسماً تحرير اولنور .
 و بونلر كنديلرينك حصه مصيبه سنه قدر مسؤل اولور .

دردنجي باب

تصفيه رسميه

Liquidation officielle.

٥٩٣ ماده : وارث ، تركه دن كف يد (١) ويا تركي تحرير ايتك قيديله قبول ايدم جك یرده
 تركه نك رسماً تصفيه اولنسي طلب ايدم بيلير . (م : ٥٦٦ و الح . ؛ ٥٨٧ و الح .)

(١) Acceptation pure et simple.
 (٢) Abdiquer la succession.

٦٠٣ ماده : ورثه ، متوفانك ديونى يكدىكره كفيل اولق اوزره ادا ايتمكه مجبوردر .
(م : ٣٤٢ ؛ ٢ ؛ ٥٦١ ؛ ٥٨٩ ؛ ٥٩٠ ؛ ٥٩١ ؛ ٥٩٢ ؛ ٥٩٣ ؛ ٣ ؛ ٦٣٩ والځ .)

٦٠٤ ماده : اكر مقاوله وقانون اموال متروكك بولديغى حال ايله قلمسى صورتى اتخاذ ايتمهش ايسه ، ورثه دن هر برى تركه نك تقسيمى هر زمان طلب ايدى بيلير . (م : ٢٣٦ والځ . ٢ ؛ ٦٠٤ ؛ ٦٠٥ ؛ ٦٠٦ ؛ ٦١٢ ؛ ٦١٣ ؛ ٦١٦ ؛ ٦٢٠ والځ .)

اكر همان تصفيه اولندقه اموال متروكك قيمتى اهميتلجه تناقص ايدى جك ايسه ، ورثه دن برينك استدعاسى اوزرينه تركه نك ويابعض بعض شيئلك تقسيمك موقتاً تاخيرى حاكم طرفدن امر اولنه بيلير .

مستغرق دين اولان بروارثك ورثه سائرهمى وراثتك كشادى متعاقب كندى حقوقلرينك محافظه سى ضمنده تدابير تحفظكارانه اتخاذ اولمىنى طلب ايدى بيلير . (م : ٥٥١ والځ .)
٦٠٥ ماده : رحم مادرده اولان چوجوڭك حقوقى نظر اعتباره آئىق لازم كلكده ، تقسيم ماده سى آنك تولدينه تعليق اولنور . (م : ٩٤٤ ؛ ٦٠٤ .)

چوجوڭك اعاشه وانفاقه (١) لزوم كوريلن مدت ظرفده والده سنك اموال متروكه غير منقسمه ده حق انتفاعى واردر .

٦٠٦ ماده : مورثك حين وفاتنده خانه سنده مصارفيله يتوت ايدن ورثه بر آيلق مصارفك تركيه تحمیل اولمىنى طلب ايدى بيلير . (م : ٤٧٤ ، ٢ .)

ايکنجى فصل

كيفية قسمت

Mode de partage.

٦٠٧ ماده : ورثه قانونيه تركي بيلرنده ، ورثه منصوبه بيند جارى اولان قواعد توفيقاً تقسيم ايدرلر . (م : ٥٦٠ ؛ ٦٠٨ والځ . ٢ ؛ ٦٣٤ والځ .)

اموال متروكك واضع الديرى ومتوفانك ديونلرى اثنای تقسيمده بوبابده كى معلوماتلرينى اعطا ايتمكه مجبوردرلر . (م : ٥٨١ ؛ ٢ ، ٣ .)

٦٠٨ ماده : موسى ، باوصيتنامه ياخود بابامقاوله ارثيه تقسيمك وحصله لك ترتيب وتنظيمى حقه بعض قواعد وضع ايدى بيلير .

(١) Entretien de l'enfant.
(٢) Personnes faisant ménage avec le défunt.
(٣) Concours de l'autorité.

بقواعد ورثه ايچون واجب الرايه در . شوقدر كه لى الحاجه موسى حصه لك مساواتنه خلل كتورلى مراد اولنامش ايسه ابقا وتقرير اولمىنى شرطدر . (م : ٢٠٥٢٢ .)

اكر موسى طرفدن خلافى بر قيد منضم اولمازسه اموال متروكك دن بر شيك ورثه دن برينه ويرلى اوشيتى موسى بهه قلب ايتيوب ساده جه بر قسمت قاعده سى تشكيل ايدر .
(م : ٢٠٥٢٢ .)

٦٠٩ ماده : بروارثه اصابت ايدن حصه سى تملك ويا حيز ايدن ياخود انك مالى بولمديغى مصدق ينده بر وثيقه بولنان هر دايں بووارث يرينه قايم اوله رق تقسيم حقه حكومتك مداخله سى طلب ايدى بيلير . (م : ٥٤ ، خ .)

ايلات قوانينى بشقه خصوصلرده حكومت طرفدن قسمته مداخله ايدلسنى امر ايدى بيلير .
٦١٠ ماده : وصيتنامه ده خلاقه بر قيد موجود دكل ايسه ، جميع اموال متروكده ورثه نك حقوق متساويدر . (م : ٤٦٧ ؛ ٦٠٨ ؛ ٦٢٠ والځ .)

كنديلرينك متوفى ايله اولان حال ومناسبتى حقه مساوى ومقرون عدالت بر تقسيمه خدمت ايدى جك معلوماتى ورثه يكدىكره تماطى ايتمكه مجبوردر . (م : ٦٠٧ .)

هر بروارث تقسيمدن مقدم ديونك ادا ويا تأمين اولمىنى طلب ايدى بيلير .
٦١١ ماده : ندر ورثه ويا بطن وار ايسه او قدر حصه ترتيب اولمغه ابتدار اولنور .

ورثه بينده اتفاق حاصل اولمديغى تقديرده هر برى حصه لك ترتيبى ايچون حكومته مراجعت ايدى بيلير .

حكومت عادات محليه وورثه نك حال وموقعى وارزولرينى نظر اعتباره آير . (م : ٥ ؛ ٦٢١ ؛ م . خ : ٥٤ .)

ورثه حصه لك يكدىكره تعاطيسنده اتفاق ايدرلر . عكسى حالده قرعه كشيدى اولنور .
٦١٢ ماده : قيمته اهميتلى تناقصه اوغرامقسزين تقسيمى قابل اولميان اموال متروكه ورثه دن برينه اعطا اولنور .

تقسيم ياخود تمامى برينه اعطا ايتمكه ورثه بينده اتفاق حاصل اولمديغى تقديرده ، بوماللىر صائيله رق ائمانى توزيع اولنور .

اكر ورثه دن برى طلب ايدرايسه صائش مزايده ايله واقع اولور . بوخصوصه بيتلرنده اختلافى محدث ايتدكه ، وظيفه دار حكومت مزايده نك عانى ويا بين الورثه وقوعبولسنة قرار ويرير . (م : خ : ٥٤ و ٢٤٩ والځ .)

(١) Composition des lots.
(٢) Concours de l'autorité.

۴: بعض شياىله دائر
قواعد

۶۱۳ ماده: ورثه دن برى مخالفت ايدرايسه ماهيتلى اعتباريله بركل، بر وجود تشكيل ايدن شيلر تقسيم اولماز. عائله اوراقى وعائلهجه برحبت قيمتى حائر اولان شيلر صائلار. اكر ورثه اتفاق ايتز ايسه، حكومت عادات محليه و عادات بولندينى تقديردم ورثه نك حال وموقعنى نظر اعتبارم آلهرق بوشيلرك صائلسنه ومحسوبيتلى اجرا اولهرق ويا اولميه رق ورثه دن برينه اعطا اولمسنه قرار ويرير. (م: ۵).

(۱) متوفانك ورثه دن
مطلوباتى

۶۱۴ ماده: متوفانك ورثه دن برنده اولان مطلوباتى وارايسه بونك حصه سنه محسوب اولنور. ۶۱۵ ماده: متوفانك ديونى ايچون مرهون اولان اموالى اخذ ايدن وارث بو كلفته مشغول ديونك اداسنه مجبور اولور. (م: ۶۱۹).

(۲) اموال رهونه.

۶۱۶ ماده: ايالات، مختلف زراعت مخصوص اولان اراضينك كچوك قطعه لره تقسيم وافراز اولانه مامسى حقنده اصول وقواعد اخذ ايسه مقتدر. (م: ۵؛ د: ۲۱۸).

(۳) عقارات.

(۴) كچوك قطعه لره
افرازى.

۶۱۷ ماده: عقارات اثنائى تقسيمده كى قيمتى ايله وارثه اعطا اولنور. قراده كى غير منقولات كندى حاصلاتى قيمتيله وديكرلرى دخى پياچه رايحيله تقويم اولنور.

(۵) احواله.

(۶) قيمت تقديرى.

۶۱۸ ماده: ورثه يه اعطا اولنه جق اموالك فيئائى حقنده اتفاق اولنميه جق اولور ايسه رسماً نصب ايديله جك نخللر معرفتيله تقويم قيمت اولنور.

(۷) اصول عمارتسى.

حاصلاتك قيمتى صورت كفايه دم معلوم دكل ايسه پياچه رايحيك ربى عد اولنور. ۶۱۹ ماده: بر وارثه اعطا اولنان عقارك تمامى ويا بر قسمى تقسيمدن اون سنه اولكى مدت ظرفنده كى رايچندن دون فيئائله صائلدقمده، اكر بو عقار اثنائى تقسيمده سيجل اراضيه

(۸) ورثه نك تمتعدن
حصه سنى.

تسجيل اولنش ايسه، ورثه سائر بوتمتعدن حصه لرىنى طلب ايدم بيلير. (م: ۳، ۹۰۰).

اكر بو عقار پياچه رايحيله اعطا اولنش ايسه، ورثه حين تقسيمده اخذ ايدم جكلى مقداردن زياده شى آلماز.

اجرا اولنان اصلاحاتدن وانشا اولنان ايسه ده اغاجلرك (۱) آرتمسندن وبوكى اسباب سائرده دن متحصل زوايدك قيمتى اوزرنده ورثه سائر نك هيچ برحقى يوقدر.

۶۲۰ ماده: اكر اموال متروكه مياننده اعمالات زراعيه بولنقمده ايسه بو عقار برشى واحد اقتصادى تكوين وتشكيل ايتدكجه، بو عقارى ورثه دن طلب ايدن والتزامى درعهده ايتكده مقتدر اولان وارثه ويريلوب ثمنى حاصلاتك قيمتيله تقويم وتعيين اولنور.

(۹) اعمالات زراعيه.

(۱۰) نسمتدن اخراج.

بو وارث، اعمالاته خدمت ايدن حيوانات وآلات وادوات ومالزمه نك دخى كنديسنه اعطاسنى طلب ايدم بيلير.

ورثه يه بعض شيلر اعطا اولنقمده، بونلرك فيئائى عقاراتك تقدير قيمته دائر مرعى اولان قواعد توفيقاً تقويم وتقدير اولنور. (م: ۶۱۷؛ ۶۱۸؛ ۶۱۹).

(۱۱) زراعت اعمالى
ايچون تعيين ايديلن
وارث.

۶۲۱ ماده: ورثه دن برى طرفندن اعتراض وقوع بولدقمده ويا جله سنى بيلنده رقابت تحدث ايتدكده حكومت، عادات محليه و عادات محليه بولندينى تقديردم ورثه نك حال وشائى نظر اعتبارم آلهرق اوشيك صائلسنه ويا تقسيمه قرار ويرير.

بالذات ايشلتمك ايسه ين ورثه نك، تمامنك كنديلرينه احواله اولمسنى طلب ايتكده صلاحيتى واردر.

اكر متوفانك اوغللرندن هيچ برى بالذات ايشلتمك ايسه من ايسه، اداره سنه مقتدره اولان قيزلى ويا زوجلى بو عقارك كنديلرينه احواله سنى طلب ايدم بيلير.

(۱۲) تقسيمى غير
جائز اشتراك قسقى.

۶۲۲ ماده: ايشله دلسى كنديسنه محول اولان وارث، ورثه سائر نك حقوقنك تصفيه اولمسنيله كنديلرينك عقاراتى تكاليف موجوده سنى داخل اولهرق ويره جكى تأميناتله برابر اوج ربع فئاتندن زياده كلفته اشغال و تقيد اولنه جق ايسه، تقسيمك تأخيرنى طلب ايدم بيلير. (۱).

بو تقديردم ورثه تقسيمى غير جائز بر مؤسسسه تشكيل ايدرلر. (م: ۳۴۷، واح). ۶۲۳ ماده: اموال كنديسنه اعطا اولنان وارث، بونلرى حددن زياده اشغال و تقيد ايتكسزين تصفيه ايتك اسبابنه دسترس اولدقمده، ورثه دن برى تقسيمى غيرى جائز اشبو

(۱۳) تقسيمى غير
جائز اشتراك قسقى.

مؤسسسه نك فسخ ايديله جكنى اخطار وكندى حصه سنى طلب ايدم بيلير.

۶۲۴ ماده: اموال كنديسنه اعطا اولنان وارث، تقسيمك تأخيرنى طلب ايتدكده، ورثه دن هر برى، شيوع حالنده قاله جق يردم، حصه سنى مذكور غير منقسم عقارله تأمين اولنش بر مطلوب شكلنده كنديسنه اعطا اولمسنى هر زمان ادعا ايدم بيلير.

(۱۴) تصفيه نك
صورت مخصوصه سنى.

مع هذا اكر بويله جه شيوع حالنده قالان عقار، اعطا ايديلن فئاتك اوج ربعدن زياده كلفته مشغول ومقيد بولنور ايسه، زياده سيچون يالكز او وقت اموالى درعهده ايتش اولان

(۱) مثلاً: [۳۶۰۰۰] فرائق حاصلاتى اولوب ذاتاً [۲۰۰۰۰] فرائق ايچون مرهون بولنان برزراعت عقارى درت كشى يه موروث اولوبده بولنردن برى بونك مستقل كنديسنه اعطا اولمسنى طلب ايتسه، اكر بو وارثك موجود نقودى وارايسه [۱۶۰۰۰] فرائق آچيغندن ديكر اوج ورثه نك هر برينه [۴۰۰۰] فرائق ادا ايتسى لازمدر. واكر نقود موجوده سنى بولنميو بده عقارى [۱۲۰۰۰] فرائق ايچون ترهين ايتكسزين ايفائى تعهد ايدميه جك حالده بولنور ايسه، رهن [۳۶۰۰۰] فرائق اوزرنده [۳۲۰۰۰] فرائق اوله جغندن اوج ربعدن زياده يعنى ۲۷۰۰۰ فرائقه بالغ اولور كه وارث مرقوم ۶۳۲ نجى ماده يه استناداً بوجهله تسويه اولمسنى طلب ايدم بيلير. ويا خود اكر ورثه تقسيمى غير جائز بر اشتراك تشكيلنه موافقت ايدر ايسه، فبا! اولديغنى واجبه احتياجلى بولندينى تقديردم او وقت ۶۲۴ نجى ماده موجبجه هر برى [۲۳۳۳] فرائق ايچون رهن و [۱۶۶۷] فرائق ايچون بر ميراث ايرادى مكتوبى طلب ايدم بيلير.

وارث لا اقل اون سنه ظرفنده قسمتی طلب اولمق اوزره ميراث ايرادی (١) مکتوبلری فائندن زیاده فاضلی اولمق شرطیله عین ايرادی ورثه سائرمیه اعطا ایتکه مجبوردر. (م : ٥٨٣).
کلفتک حد اعظمه و دولتک مسئولیتنه دائر مرعی اولان قواعد میراث ايرادی مکتوبلرنده جاری دکدر. (م : ٨٢٨ ؛ ٨٤٩).

(١٥) اعمال زراعیه سائره.

٦٢٥ ماده : بر صنعت تجاریه ، بر التزام زراعیکن فروغنی تشکیل ایتدکه ، بو عقارک تمامی ایلرندن صنعت مذکوره عهده سندن کلکه مقتدر کورینان کسمیه ویریلر .
ثمنی پیاجه رایجی اوزرینه فنا تقویم اوله رق وارثک حصه سنه محسوب اولنور .
بر وارث اعتراض ویا بیلرنده رقابت تحدت ایتدکه وظیفه دار حکومت ، ورثه نک حال و موقعی نظر اعتباره آله رق اوعقارک تسلیمنه ویا خود فروخت و تقسیمه قرار ویرر .

اوپنجی فصل

تبرعاتک رد و اعاده سی

Rapports des libéralités.

٦٢٦ ماده : ورثه قانونیه دن هربری وراثت پشینائی (٢) دیه حیاته ایکن اخذ ایلدیکی بالجله تبرعاتی یکدیگره رد و اعاده ایتکه مجبوردر. (م : ٤٥٧ ؛ ٥٢٧).
وصیتنامه ده خلافتده برقید موجود ایسه متوفی طرفندن حیاته ایکن ایدیلن جهاز (٣) ویرلشدیرمه مصارفی (٤) و ترک اموال و تبریه دیون و بونلره متفرع بو مثللو منافع سائره رد و اعاده یه تابعدر. (م : ٤٧٥ ؛ ٥٢٧).

١ : رد و اعاده مجبورسی.

٦٢٧ ماده : بر وارث قبل ویا بعد الکشاد وراثت صفتی اضاعه ایتدکه ، آنک یرینه حصه سنی اخذ ایدنلر رد و اعاده ایتکه مجبوردرلر. (م : ٤٢٧ ؛ ٥٣٩ ؛ ٥٣٩ ؛ ٥٣٩).
اولاد ابوینه ایتدیکی تبرعاتی ، حتی کندیسنه واصل اولامش اولسه بیلر رد و اعاده ایتکه مجبوردر .

٢ : تا اهلیتدن ویا کف ایدلندن طولای اعاده .

٦٢٨ ماده : بوتقدیرلرده اعاده ایتکه مجبور اولان وارث بخیردر ؛ دیلرسه عیناً رد و اعاده ایدر ، دیلرسه ، حتی تبرعات مذکوره حصه ارثیه سنی تجاوز ایتسه بیلر قیمتی محسوب ایدر .
متوفانک تصرفات سائرمیه و تنزیل دعواسندن متولد حقوق محفوظ قالیر. (م : ٥٢٢ ؛ ٦٠٨).

٣ : شراطی (١) عیناً و نقصان و بر مک صورتیله .

(١) Lettre de rente successorale.

(٢) Libéralités à titre d'avancement.

(٣) Constitution de dot.

(٤) Erais d'établissement.

٦٢٩ ماده : تبرعاتک مقداری حصه ارثیه یی تجاوز ایتدکه ، تنزیل دعواسی محفوظ قالمق اوزره فضله سی ، اکر متبرعک مرادی وجهله ایدوکی اثبات اولنور ایسه ، رد و اعاده اولنماز .
معتاد اوزره اولاد ایچون یرلشدیرمه مصارفی ایله اثنای ازدواجلرنده ایدیلن مصارف رد و اعاده دن معافدر .

(٢) حصه ارثیه یی تجاوز ایدن تبرعات .

٦٣٠ ماده : رد و اعاده کیفیت و وراثتک کشادی کوننده کی قیمتته ویا مقدما صاتیلان شیئلرک ائماننه نظراً واقع اولور .

(٣) فصل حساب اوله جتی .

ائمار مستحصه و مصارف تعمیریه و ترمیمیه واقع اولان خرابیته کلجه . ورثه بر ذی الیدک حقوقی حائز وظائفیه مکفدر. (م : ٩٣٨ ؛ ٩٣٨).

٦٣١ ماده : اکر متبرع طرفندن خلافتده بر مقصد ثابت اولماز و مصارف معتاده یی تجاوز ایتز ایسه ، اولادک تربیه و تعلیمی ایچون ایدیلن مصارفک رد و اعاده سی جائز دکدر .

(٤) تربیه مصارف .

مورثک حین وفاتنده هنوز بویومه مش ویا معلول بولنش اولان اولاد اثنای تقسیمده معتدل بر تضمینات اخذ ایدرلر .

٦٣٢ ماده : بر معتاد ایدیلن هدایا رد و اعاده یه اولنماز .

(٥) هوا یی معتاده .

٦٣٣ ماده : کندی عمل و ایرادنی عائله سنه تخصیص ایتش اولان و خانه ده برلکده بیتوت واکل و شرب ایدن کیر اولاد (١) ، اکر صراحة بونلردن فراغت ایتمه مش ایسه حین تقسیمده بونلر ایچون معتدل بر تضمینات طلب ایده بیلرلر. (م : ٣٣٤).

(٦) مائله یه ایدیلن فداکارلق مقابله نده تضمینات .

دردنجی فصل

قسمتک ختام و احکامی

Cloture et effets du partage.

٦٣٤ ماده : حصه لر ترکیب اولنوب قبض ایدیلنجه یا خود قسمت معامله سی ا کمال اولنجه ، قسمت تمام و لازم اولور. (د : ١٢ ؛ ١٢ ؛ ١٢).

١ : قسمت ختامی .
(١) قسمت مقابله سی .

٦٣٥ ماده : بین الورثه حقوق ارثیه نک نقل و فراغی و برده اولادک مقدما وفات ایتش اولان ابویندن کندیلرینه موروث حصه ایچون پدر ویا والده ایله اولادی بیلننده یا بیلان عقودک تمامیت و صحتی شکل تحریری یه متوقفدر (د : ١٢٠ ؛ ١٢٠).

(٢) حصه ارثیه حقیقه مقابله (٢) .

ورثه دن بریله بر شخص ثالثک انجق کندیسنه نقل و فراغ ایدن کسمیه اصابت ایدن حصه دن طلب و ادعایه حتی واردر .

٦٣٦ ماده : بر کسمه نک هنوز کشاد اولنماش اولان وراثتی حقیقه بر وارثک کندی ورثه سی ایله ویا بر شخص ثالث ایله اوکسمه نک رضاسی منضم اولمق سزین یا بیلان هر مقاولات کان لم یکن حکمنده در. (م : ٤٦٨ ؛ د : ٢٠).

(٣) کشاد اولنماش وراثت حقیقه مقابله (٢) .

(١) Enfant majeur

(٢) Convention sur part héréditaire.

حکمة نميز حقوق دائره سی مقرانی — (۱) ارباب وقوفك حضور محكمه ده على طريق الشهاده استماعه تبين ابدعك حاله كوره { ۴۱ حزيران ۳۳۰ ۶۲۵۸ حکم ویرلک لازمکیر

(۲) افلاس طلبیدن فراغت ایتک تأجیل دیندن { ۸ تموز ۶۲۵۹ عبارتدر

(۳) حدود منازع فیها شهود طرفیدن اصولی { ۱۹ ۶۲۶۱ دائره سنده اراءه ایدلک اقتضا ایدر

(۴) اوزرنده اشجار بولندینی بیان ایدیلان محله { ۱۷ اغستوس ۶۲۶۲ قدماً اشجار بولندینی بالینه اثبات ایدلک اقتضا ایدر

حکمة نميز جزا دائره سی مقرانی — (۱) طیب راپوری قطیعت افاده اتمدیکی تقدیرده { ۲۱ ایلول ۶۲۶۴ مجروحک تکرار معاینه سی ایله جرحه لری حقنده قطی راپور استحصالی لازمدر

(۲) متهملرک یکدیگرینه عطف جرم ایللری { ۲۱ ۶۲۶۵ کندیلرینه آیری آیری وکیل تعیینی استلزام ایدر

(۳) حقوق همومیه شهودینک بولندینی محاک { ۲۱ ۶۲۶۶ امکان تحقیقی موجود ایکن بوندن ذهول ایدلسی موجب نقضدر

(۴) قتل وشهادتده تناقض { ۲۱ ۶۲۶۷

حکمة نميز استماعه دائره سی مقرانی — (۱) مرور زمان ومسئله مستأخره { ۱۷ تموز ۶۲۶۸

(۲) محاکم استینافیه، بدایه حکمه کافی کورلیمان { ۱۷ ۶۲۷۰ دلائل واخباراتک درجه قوتی تقدیر وظیفه سیله ده مکلفدر

(۳) مکررلاک حقنده { ۱۸ ۶۲۷۱

(۴) اون کوندن زیاده خسته لنی موجب اولیایان { ۲۰ ۶۲۷۳ ضرب وجرح فعللرندن دولای تعقیبات اجراسی شکایتنامه اخطاسنه متوقفدر

(۵) اورمان تخریباتنه متدائر افعال جرمیه { ۲۳ ۶۲۷۴

انجمنه عدلیه مقرانی — (۱) معاملات جزیه ده دائر { ۲۱ اغستوس ۶۲۷۵

قسم غیر رسمی

مقالات

استاد محترم سماعهتو علی میرزا افندی مضمیر تلمیزه { ۶۲۷۷ بانیه مرکز بدایت محكمه سی حقوق رئیس ع. زهدی بلک افندی طرفندن

اسو مجمره قانوننامه مدنی { ۶۲۸۰ مترجمی سلائیک مکتب حقوق معلمین سابقه سندن وکلای دعاویدن نظرت حایریان افندینک